





平園續稿序

朝散大夫知江州軍州兼管内勸農營田事徐誼撰



太師益國周公之文行於世者前集號省齋文稿寶
謨待制山陰陸務觀既詳而序之矣其子司直綸以
誼登門久受知厚又哀其近作曰平園續稿俾為後
序誼伏讀而嘆曰連篇累牘姿態橫出千彙萬狀不
主故常何其富也詩賦銘贊清新嫵麗碑序題跋率
常誦其所見足以補太史之闕遺而正傳聞之訛謬
又何其精也國初承五季之後士習俳俚歐陽文忠
公自廬陵以文章續韓昌黎正統一起而揮之天下

翕然尊尚經術斯文亦變而為三代兩漢之雅健翰
墨宗師項背相望故慶曆元祐之治照映古今與時
高下信哉其後穿鑿破碎之害起而士俗亦陋及公
發揮文忠之學被遇高廟輔相阜陵弼成治功於是
二公屹然並著於六七十年之內今觀遺稿貫串馳
騁雍容而典雅體正而氣和使人味之肅然起敬如
儼立於彤庭廣廈之中黃鐘大呂忽振心目考其淵
源蓋有自來淳熙中公翱翔於鸞臺鳳閣間既已登
政地誼亦備敷於朝紳之後時高文大冊多出公手
每竊寓目唯恐不能屬厭再還周行而公謝政事去

矣歸自南安道出吉水嘗從公於平園之上侍俎豆
於克賦之堂見其年益高視聽益壯議論著述方川
至而無倦也竊以為天之生斯人也不數則其惠利
後世豈直言語而已哉後之覽於斯者盍亦參公之
行事而觀焉則文章學問本末源流人材風俗盛衰
起伏皆可自是而有考矣開禧丙寅中秋謹序

平園續稿目錄

卷第一 詩一

上巳訪楊廷秀

王才臣園中六詩

孝宗皇帝挽詩二首

陳誠之送菊

張坦夫腴莊圖

慶元乙卯與歐陽伯威葛德源小集再用潞公韻

春日早起二首

寄楊廷秀

簡世傑挽詞

陳誠之送黃樓子芍藥

送道士張惟深

彭孝求送芍藥二絕句

魚兒牡丹命曰花嬪

子中兄以妃為僭次韵解嘲

趙山甫示和篇次韵

李子權和花妃詩即席次韵

揚廷秀為魚兒牡丹賦詩惡語叙謝

題劉訥畫趙韓王諸公像

次韵廷秀進退韵

臨川梁譯投冰溪救母廷秀有詩次韵二首

李德善疑麇為鹿次韵求教

寄題太和胡氏福榮堂

乙卯中秋五鼓往永和月色如晝

戲張彥和兄弟

中秋梅桂盛開

李子西示家兄舊詩次韵

中秋古梅盛開次子中兄韵

中秋招王才臣賞梅次廷秀韵

曾氏挽詞

歐陽氏挽詞

吳斗南夢芳亭二首

張漕送大有年堂酒

廷秀訪平園即事二首

初春巖桂着花

趙侍郎挽詞

送徐淵子還臺

閣阜陳處和寄蒼玉軒圖

次韵楊廷秀二首 并序

揚子直示還壽皇御批制草熟狀

茅山劉先覺雲琴圖 廷秀跋雲琴圖再賦

寄題新喻周氏用德堂 寄題朱氏渙然書院

寄題李紀風月無邊樓 次韵廷秀玉蘂花

次揚子直韵 次王伯奮韵

林順卿兩賦玉蘂用楊史君韵為謝

丙辰招歐葛二兄再為齊年之集次舊韵

答陳誠之送揚州花

題安城劉江報德堂白爵圖

錢文季賦玉蘂秩滿還朝就用韵為餞

奉答趙正則追賦車字韵

酬江西美示古調 和次對兄芙蓉絕句

重九次七兄韵 次韵廷秀送牛尾狸

寄題高仲一識山堂 凍頭王氏藝芳堂

卷第二 詩二

丁巳二月招伯威德源為齊年會次舊韵

夜夢奏事 晨起有感二首

顏侍郎挽詩 曾無疑送金橘次韵

答彭孝求送芍藥詩 耳雨空花小詩

次韵孫從之玉蘂 王氏挽詞

追挽宜人王氏

跋賀升卿春秋會正論

戲題江西美詩編

戲題洪景盧碧崖修造疏

胡氏逢慶堂用乘成兄韻

次韻李得善需酒納婦

戊午仲春同甲小集次舊韻

彭孝求送紅都勝

題紹興庚午秋闈小錄二首

挽光州趙守

劉仲俊父醉菴詩集

子中兄招飲次韻二首

戊午重九侍七兄早晚集戲成小詩

己未立春和楊伯子雪詩

二月會同甲次舊韻

送韓希道移漕江東

賀升卿寄平園新詠次最後一章韻為謝

次韻朱叔止蕪簡汪仲嘉樓大防

仲嘉和鄙句敬用樂天事次韻

樓大防和五詩次韻為戲綵之慶

再酬朱叔止

徐商老儒榮堂

多葉牡丹名曰青白圭且為賦詩

李秀叔挽詞二首

三月三日清明會客江樓二首

廷秀待制送揚州紅都勝

永新譚漢卿筠坡書院

題廷秀所誌朱雲孫母文

無心居士劉君挽詞 并序 張彥文挽詞

王文學求讀書堂詩

平園創三層樓子直寄詩次韵

次丙辰人月分圓韵

小詩戲王駒父約伯威諸友共不托

張定叟挽詞 次韵 揚廷秀二首

送廬陵主簿李子賢 七兄重陽送魚酒次韵

讀張欽夫集夜夢賦詩

明農堂新接牡丹盛開邀伯威德源用舊韵

錢待制挽詞 送揚伯子知南昌縣

送蕭彥育赴省 劉楹挽詞

次張子儀荔枝詩 并序 光宗皇帝挽詞二首

贛守重修思賢閣

卷第三 詩三

余仲庸示洪景盧松風閣記題詩反招隱

寄題安福朱景源景雲所居二首

管長源挽詞

萬安賴氏拾青樓二首

曾伯虞挽詞

題曾忠佐思永堂

江陵撫幹官舍信美樓二首

追挽胡季文

送楊子上二首

觀鶴雛飲新酒肇生荔於白蓮池上奉和江西美

西美復送四景詩再次韵

時久闕雨回西美東就附小詩

三次韵答西美

四次韵

五次韵

四景詩似欠一篇五更枕上足成

賞巖桂次西美首篇韵

李宗儒槐陰書院

項汝弼盧溪書院

龍泉李氏萬卷堂

安福歐陽紹之桃花石二絕句

巖寬桂巖堂二絕句

次韵章茂獻謝茶

題太和趙宰造渡舟停酒坊二圖各一首

太和承廳三亭寄題三疊

送綸丞郡章貢

有序

沈持要挽詞二首

贛簿彭南夫讀書樓二絕句

劉訥三老圖

西美賦生璫瑁奉和

走筆再次西美韵

次韵楊廷秀瑞香花

廷秀再用韵末句易檀為蘭

余處恭挽詞

揚子直以詩送小兒婦省又一絕及平園花木校

文苑英華并次韵

壬戌冬至浴花正開王南劍偶遣矮人獻笑戲成

嘉泰癸亥元日呈乘成兄

兩中小集疊岫閣胡季亨諸友次前韵各以一篇

為謝 凡六首答胡季亨 伯信 仲威 叔賢 歐陽宅之 李達可

周愚卿江西美劉棠仲賦江珖詩奉答

元宵煮浮圓子二首 王琰清暑堂

次韵陳正仲二首 贈別陳正仲

月石屏蛾石硯詩 有序 病齒有感

陳叔進挽詩二首 胡季亨觀生亭

徐子比獨秀山 甲子中秋

卷第四 銘 箴 辨

賀德章悅齋銘 靜菴銘

忠正堂銘 益壯齋銘

桂隱銘 愚谷銘

達齋銘 迂齋銘

坡谷齋銘 濂伊齋銘

香山樓銘

馮軫元方琴銘

送綸丞即臨川十以箴

吉州司戶廳緩齋箴

辨登第金花帖子

附王臨跋一通

題盛京登科小錄

錄洪景虞容齋續筆

并跋

卷第五

贊 自贊

李伯時作東坡像贊

六一先生贊

胡忠簡公贊

宗室公衡真贊

自贊五十七首

卷第六

題跋一

高宗御批陳思恭奏劄

淳熙戊申國書

光宗御書

已上家藏御書

山谷和郭內翰長篇

自題寫真

薛元亮老杜醉歸圖詩

六一先生手書

蔡君謨飛草帖

唐人臨王子敬帖

吳說書

蕭楚公帖

王獻之保母壙志

米禮部參星賦真跡

孫氏四皓圖

祖妣秦國潘夫人書

樂毅論

已上家藏法帖書畫碑刻

鄴侯遺事奏稿

汪聖錫與武義宰趙醇手書

東坡桂酒頌

德化縣陳氏義門碑

趙彥法所藏山谷帖
汪季路所藏書畫四軸

劉賓之浩然集
何居仁自作墓誌

宜春李椿詩卷

曾伯震所得子中兄二絕

李玠叔詩文
陳誠之遠明樓記

百醉老人趙士噉詩卷
劉昌詩母墓誌

謝昌國與朱陞書
蕭唐叟時菴記

顏魯公書撰杜濟神道碑

金給事彥亨文集

范丞相覺民謝罷政表稿

范覺民與諸人唱和詩

張忠獻公答宋待制手書

張右丞如瑩奏疏

六一先生跋杜濟神道碑

獨孤延壽碑

卷第七 題跋二

後漢樊常侍碑
歐陽公堯祠碑

楊謹仲芍藥詩後
胡忠簡公和王行簡詩

羅起宗廟食碑

王民瞻送胡邦衡南遷詩

京仲遠與周孟覺帖 御書樂毅論

呂獻可墓誌 張仲宗送胡邦衡詩

蔡忠惠公帖 陳忠肅公尊堯集稿

歐陽文忠公誨學帖

徐夫人所書華嚴經梁武懺

胡忠簡公論和議稿 羅煒詩稿

焦伯強與潘簡夫帖 呂伯恭日記

廖中五行精紀 謝昌國式華堂記

廬山西林道場碑

裴晉公撰李西平神道碑

歐陽文忠公跋賽陽山文

歐陽文忠公與裴如晦帖

張志寧所藏東坡畫

老泉所作楊少卿墓文

宋待制寧軒自遣詩

李先之禮記義 陳剛中石村廟詩

劉昌詩之父青詞稿

胡邦衡侍郎撰胡從周寺丞誌文

張魏公與晁升道帖 呂紫微與晁仲石詩

李龍眠山莊圖 張魏公與彭子從書

陸本益齋記 周洽所藏南唐牒訴

浮雲居士曾達臣雜志

至聖文宣王三十八代孫孔仲良唐貞元以後告

身石刻

俞洪所藏滕元發與俞退翁詩

書溪堂集後

卷第八 題跋三

曾侍郎戒其子崇清廉帖

游祖武禊帖

楊廷秀所作胡氏霜節堂記

唐子西帖

韓子蒼與曾公衮錢遜叔諸人唱和詩

曾公衮錢遜叔韓子蒼諸公唱和詩 二則

吉水蕭氏祖長官告 蕭御史殿試真卷

宋運判奏稿 張忠獻公與外舅帖

義靈廟碑

黃魯直送徐隱父餘干詩稿

江氏舊書 山谷書唐人詩

張芸叟劉滄詩

司馬文正公手抄富文忠公使北錄

東坡上薛向樞密書 楊廷秀贈族人復詩

魯氏兄弟帖

呂侍講希哲歲時雜記

自題與黃談書尺

撫州鄔處詩

山谷草書太白詩

戊午歲吉州舉人期集小錄

張如瑩書歸去來詞

王才臣十吏論

譚該樂府

宋景晉手書佛經

趙清獻公三帖

楊廷秀所作胡氏義方堂記

東坡與張近帖

卷第九 題跋四

大元帥康王與向子諲咨目及御筆

朱元晦所作南城吳氏社倉記

山谷題橘州畫卷

東坡晚年手帖

歐陽文忠公與張洞書

馮頎自得集

黃魯直帖

蔡君謨與唐詔帖

歐陽彛四世碑

富鄭公與李仲師帖

劉辰告墓碑橫石

顏魯公書

張安國與弟伯子家書

山谷書文賦

柳公權赤箭帖

楊廷秀石人峯長篇

嘉祐賀老人星見表批答

趙清獻公帖

書癸丑謝何同叔送羊羔酒詩贈尹德隣

蕭氏敦節堂詩

陳瓘書

山谷書大戴禮踐阼篇

鞠城銘

張子韶與陳朝彥序詞

養正堂記

李彥平遺書

曾無疑所藏二帖

曾南夫集序

劉氏後隆堂詩

李伯紀青原詩

董體仁帖

蕭臺詩

卷第十 題跋五

文與可草書李賀金銅仙人辭漢歌

秦少章詩卷

秦少章雜文

向子諲遺事

蕭服劉逵唱和詩卷

廬帥靖康勤王跋語

東坡秧馬歌

吳仲所藏曾子固帖

尹焞帖

修禊帖

汪逵所藏東坡字

趙弁雪圖

山谷與孫端帖

胡邦衡奏劄稿

張德遠與胡邦衡帖

陳少陽哀詞

包孝肅公帖

高宗御書盤松贊

魚計亭賦

梁仲謨尚書奏稿

黃通老尚書奏稿

楊无咎畫秋蘭

卷第十一 題跋六

歐陽澈遺事

魯無疑所藏黃魯直晚年帖

何居仁與張斗南序

馮軫所藏五帖

東坡書富文忠公神道碑 東坡書陶靖節詩 東坡穎州詩 米

元章上呂汲公書 山谷書六一先生古賦 山

趙遜可文卷

揚廷秀對月飲酒辭

陸務觀送其子赴吉州司理詩

劉共甫胡邦衡帖

王獻之保母墓碑

丁酉歲恭和內宴御詩草

蘇黃門施楞嚴標指跋語

文氏雙秀亭詩

韓忠獻范文正歐陽文忠與尹師魯帖

范文正公帖

趙逢原得母詩卷

平園圖

宋姓西園詩藁

卷第十二 序一

傅忠肅公文集序

歐陽文忠公年譜後序

歐陽文忠公集古錄序

集古錄後序

歐陽文忠公集後序

劉彥純和陶詩後序

元豐懷遇集後序

朱新仲舍人文集序

王致君司業文集序

群玉詩集序

蘇文定公遺言後序

楊謹仲詩集序

王推官漫齋文集序

魯南夫提舉文集序

毛拔萃文集序

卷第十三 序二

陸子履嵩山集序

趙訓之忠節錄序

臨江軍三孔文集序

孫尚書鴻慶集序

初寮先生前後集序

續後漢書序

高瑞叔變離騷序

王叅政文集序

陸氏翼孟音解序

卷第十四 序三

澈溪居士文集序

杉溪居士文集序

漢兵本末序

求齋遺藁序

仲并文集序

程洵尊德性齋小集序

帝王經世圖譜題詞

魯氏農器譜題詞

魯無愧南北邊籌序

張良臣雪窓集序

忠正德文集序

撫州登科題名序

張文靖公文集序

王氏濟美集序

芮氏家藏集序

卷第十五

序四

齋說

堂菴說

字說

附

沈氏論語解序

吳康肅公湖山集并奏議序

黃簡肅公奏議序

晁氏二圖序

劉諫議諫藁序

龍雲先生文集序

文苑英華序

送曾公薦赴省試序

送曾明發序

送黃伯庸序

蕭人傑如寄齋說

張德清悅齋說

習齋說

周伯熊勤齋說

茶陵學林堂說

楊光祖筠溪說

錢氏姑瞻菴說

書贈茶陵谷若霖

書示臨川陳撝

書示永豐彭

書贈安福劉儼子思

書曾無疑匹紙

書匹紙贈安福劉澈

書匹紙贈許玠

李燁字說

趙汝橙字說

蕭光字說

姪孫顯字說

田炳名訓

卷第十六

啟

親書

附

回潭州朱元晦啟

回隆興趙子固啟

轉少傅致仕謝宰執啟

回金陵張定叟啟

回洪帥單虞卿啟

回隆興張伯子啟

回潭帥趙待制啟

回豫章韓子及啟

謝陳提刑生日詩啟

謝許監丞生日詩啟

謝權守鄭通判生日啟

回陳正仲提刑賀冬啟

又謝生日詩啟

謝吳運使生日詩啟

復少傅謝諸府

回衢州章茂獻

賀陳正仲提刑除職啟

又回賀綸審察啟

賀陳勉仲拜右相啟

與楊廷秀閣學啟二十首

回蕭郎中親書

與胡季解求親書

卷第十七 狀

謝生日狀十首

謝狀六首

遠迎狀十四首

謝訪及狀三十九首

旦望謝訪及狀十五首

冬年臘雪立春訪及狀十八首

謝太守移厨狀十六首

謝訪別九首

卷第十八 記一

賞心樓記

蜀錦堂記

重修鳳林橋記

廣德軍重修譙門記

萬安縣新學記

墨池閣記

贛州贛縣重修學記

梅州重修學記

梅州貢院記

卷第十九 記二

太和縣仰山二王行祠記

袁州宜春臺字惠新祠記

廬陵縣重修縣學記

分寧縣學山谷祠堂記

玉和堂記

敬齋記

太和縣龍洲書院記

吉州通判廳記

汀州長汀縣社壇記

終慕堂記

卷第二十 記三

碑附

吉州錄叅廳題名記

敬思亭記

筠州樂善書院記

杜氏潛光堂記

筠州判官廳記

撫州學記

台州仙居縣學記

廣昌縣學記

廬陵縣三忠堂記

永豐縣旌忠廟碑

卷第二十一 神道碑

龍圖閣學士左通奉大夫致仕謚忠簡張公闡神

道碑

資政殿大學士范公成大神道碑

卷第二十二 神道碑二

中散大夫賜紫金魚袋周公樞神道碑

中散大夫贈特進蔡公伸神道碑

龍圖閣學士宣奉大夫程公大昌神道碑

卷第二十三 神道碑三

朝散郎集英殿修撰林公光朝神道碑

資政殿大學士毗陵侯周簡惠公葵神道碑

中大夫秘閣修撰賜紫金魚袋趙君善俊神道碑

卷第二十四 神道碑四

華文閣直學士陳公居仁神道碑

資政殿大學士左大中大夫參知政事張忠定公

燾神道碑

卷第二十五 神道碑五

敷文閣待制張公邵神道碑

淮西帥高君夔神道碑

吏部尚書鄭公丙神道碑

卷第二十六 神道碑六

敷文閣直學士陳公良翰神道碑

敷文閣學士李文簡公燾神道碑

卷第二十七 神道碑七

敷文閣學士宣奉大夫汪公大猷神道碑
資政殿學士宣奉大夫叅知政事蕭公燧神道碑

卷第二十八 神道碑八

丞相洪文惠公适神道碑

右中奉大夫敷文閣待制林公保神道碑

朝議大夫工部尚書謝公諤神道碑

卷第二十九 神道碑九

寶文閣學士通奉大夫梁公汝嘉神道碑

史館吏部朱公松神道碑

資政殿學士中大夫叅知政事李文敏公邴神道

碑

卷第三十 神道碑十

同知樞密事洪文安公道神道碑

和州防禦使趙公伯驩神道碑

武泰軍節度使鄭公興裔神道碑

卷第三十一 墓誌銘一

胡斗南箕墓誌銘

宣義郎致仕賜紫金魚袋胡公昌齡墓誌銘

連州彭使君堯輔墓誌銘

京西轉運判官方君松卿墓誌銘

宗室澹然居士公衡墓誌銘

眉州太守張公璘墓誌銘 原闕

卷第三十二 墓誌銘二

廣南提舉市舶江公文叔墓誌銘

譚宣義字先墓誌銘 彭元亨墓誌銘

朝請郎魯君光祖墓誌銘

叅議董君昌裔墓誌銘 高州趙史君介墓誌銘

通判彭君商老墓誌銘 通判周君因墓誌銘

葛先生淑墓誌銘

卷第三十三 墓誌銘三

永州張史君奭墓誌銘 劉德萬人傑墓誌銘

通直郎彭君叔度墓誌銘

朝議大夫直秘閣廣西轉運判官彭君漢老墓誌銘

率齋居士王伯芻墓誌銘

辰州敘浦張主簿履墓誌銘

承直郎尚甥振藻墓誌銘

卷第三十四 墓誌銘四

曾迪功彥圭墓誌銘

承直郎袁州孫史君逢辰墓誌銘

承直郎知東安縣趙君彥悟墓誌銘

武德郎主管崇道觀趙君伯球墓誌銘

歐陽伯威墓誌銘
柳州張史君鋼墓誌銘

卷第三十五 墓誌銘五 墓表附

迪功郎致仕晁子與墓誌銘

歐陽元鼎墓誌銘

朝請郎致仕劉君大成墓誌銘

宗室崇道武經公育墓誌銘

澹軒李君呂墓誌銘

循吏石大夫晝問墓誌銘

登仕郎董君億墓誌銘
譚君紹先墓誌銘

從政郎宋君似墓誌銘

朝奉大夫致仕李君迎墓表

彭孝子千里墓表

卷第三十六 墓誌銘六 壙志附

益國夫人墓誌銘
太恭人司徒氏墓誌銘

太宜人李氏墓誌
段夫人墓誌銘

汀州田史君妻宜人尚氏壙誌

村女壙誌

卷第三十七 墓碣一

朝散大夫知新州李君守柔墓碣

二戴君墓碣

龍洲居士嚴致堯墓碣

朝散大夫賜紫金魚袋王君鎮墓碣

贛州洪史君槻墓碣

卷第三十八 墓碣二

冲虛居士錢君朝彥墓碣

朝奉郎李君琬墓碣

通判舒州沈君煥墓碣

均州黃史君牧之墓碣

登仕郎李紀銘

卷第三十九 青詞

祝文

祭文

為村娘設醮青詞

舊居設醮青詞

夫人設醮青詞

遷新第醮謝青詞

火孛照臨設醮青詞

本命設醮青詞

夫人設醮青詞三首

本命設醮青詞二首

追薦亡妻九幽醮詞

奉安御書祝文

奉安土地祝文

奉安竈神祝文

謝土祝文

功德奉安祖先文

省祖父母以下塋文

哭仲兄判院文

遷居奉安家廟祝文

遷居三日祭家廟祝文

覃霈三代加贈告廟祝文

覃霈焚黃祝文二首

致仕謝家廟祝文

郊禋焚黃祝文三首

長岡修塋告成祝文

祭范至能叅政文

祭尤延之尚書文

祭史直翁丞相文

祭謝昌國尚書文

祭同年程泰之尚書文

祭廬陵翁知縣文

祭魯無玷侍郎文

祭吉水吳伯豐縣丞文

祭李秀叔叅政文

祭彭仲伊通判文

祭彭季皓運使文

祭劉子深知縣文

祭張叔保使君文

祭京仲遠丞相文

祭孫從之侍郎文

祭朱元晦待制文

祭余處躬丞相文

祭王謙仲樞使文

卷第四十道釋

倡塔銘

贊

題跋

說

記

贈甘叔懷道士倡

恩褒覺報寺鐘銘

仰山長老紹南真贊

老衲祖證贊

佛照德光贊

跋西峯豁禪師雜錄

題顏持約所畫定光古佛像

書贈中傑辨老氏論

跋德光與梁世昌頌

題陳瑩中寫旃檀觀音贊

華嚴經李伯紀跋

題鄭亨老新刻楞伽經

題鄭亨老新刻注維摩經

贈仰山長老紹南

戲答劉江

臨江軍閭阜山崇真宮記

麻姑山仙都觀新宮記 廬山圓通寺佛殿記

汀州定光菴記 圓鑑塔錄

平園續稿目錄 終

平園續稿卷第一 周益文忠公集四十一

古律詩七十一首 起紹熙甲寅止慶元丙辰 廬陵

上已訪楊廷秀賞牡丹於御書扁榜之齋其東

園僅一畝為術者九名曰三徑街意象絕新

甲寅

揚監全勝賀監家賜湖豈比賜書華回環自斲三徑
頃刻常開七花門外有田聊伏臘望中無處不煙霞
却慙下客非摩詰無畫無詩只謾誇

王才臣子俊求園中六詩楊秘監謝尚書皆賦

甲寅

曲禮毋不敬聖門恭而安少成復習慣心廣仍體胖莊敬

日強齋

世事環無端聖功并有沆欲知至不至密驗物交物格齋

志士非匏瓜焉能繫不食毋安白駒空請放鳴騶入南谷

靜夜月篩影清晨風掃壇自合戾千戶何須斬萬竿竹亭

冬與滕六宜夏與趙盾敬更有茯苓功保君千歲質松菴

雨泥燕脂落肌丰骨肉勻方知杜陵老曾寫此花真脾亭

崇海

孝宗皇帝挽詩二首 甲寅

聖德高難並天心遠莫推如何堯舜主不與武宣時勤

政精彌勵平戎志竟齋惟留大風句千古日星垂

移御重華意微臣粗探端思陵三載服文母萬年歡方

侍瑤池宴俄藏禹穴冠餘生卧江海空有淚成丹

十月九日陳成之恂送菊花小詩奉答 甲寅

十月風霜動籬邊菊始音試黃從來司曆過失不閏重陽

今年閏十二月

僕營小圃方兩月而張坦夫履示腴莊圖有起

予之意輒成鄙句 甲寅十二月十二日

百年種德十年栽映帶雲巖與月臺無問四時留客醉

何曾一日不花開人々爭羨富登覽物々豈知工剪裁

我比樊涓身更老只今學圃亦悠哉

慶元乙卯某與歐陽伯威鐵葛德源潒俱年七

十適敝居落成乃往時同試之地小集團中

再用潒公韵成鄙句并錄舊詩奉呈

結茅近市壓平川園棘爭門想少年鹿記揚戾歌始舉

鶴歸丁令化飛仙

園有馴鹿舞鶴各一隻

詩場曾作推敲手

吾三人皆

以詩賦試于此

文會今隨出入肩同甲唱酬殊未已首篇聊記

老而傳

春日早起二首

乙卯正月十九日

謾有衣冠已卷懷本無車馬可驚猜春來早起闌何事

點檢園花幾種開

樓上雲山遠望來樓前花木及時開老夫脚力猶強在

不記登臨日幾迴

寄楊廷秀待制

共作槐忙五十春交情非復白頭新却思此地初傾蓋

舊事重論有幾人

臨賀太守簡世傑挽詞 乙卯春

宣力仍揚善何人范轄如一身忘險阻多士極吹噓幕

府誰無敬君才獨有餘主賓俱已矣懷舊眇愁予

簡范叅政

上客

西昌陳誠之送黃樓子芍藥仍枉長篇老懶不能次韵戲答二絕句連歲許紅都勝未至末章及之 乙卯春

芍藥名先記鄭風那因加木辨雌雄姚黃後出今王矣合把黃樓列上公韓魏王以芍藥為花后

六一先生舊帥揚分寧太守尹西昌只緣未覩一作紅識

都勝便以參謀待海棠一作如杜詩中關海棠○許元寄歐公詩云芍藥瓊花應有恨

維揚新什獨無名公答云偶不題詩便怨人山谷太和篇詠甚多未嘗及此花

送道士張惟深曾從揚廷秀學詩

出世須拋世俗文休論何遜與陰鏗但求仙伯三年艾

會向彌明頂上行

彭孝求惟孝以綠野行送芍藥數種鄙句為謝

乙卯春

占斷春光及夏初琉璃剪葉朵珊瑚休論花品同而異

牡丹初號木芍藥蓋本同且詠詩人樂且訝北第莫辭而末異出王元之文集

金鑿落韓魏公北第賞芍藥南禪爭看玉盤盃彭宣微詩滿引莫辭金鑿落

恙何妨醉自有嬌癡婢子扶

魚兒牡丹得之湘中花紅而藥白狀類雙魚鱗

鱗相比枝不能勝壓而下垂若俛首然鼻目

良可辨葉與牡丹無異亦以二月開因是得

名其榦則芍藥也予命曰花嬪而賦是詩聞

江東山谷間甚多 乙卯

天教姚魏主芳菲合有宮嬪次列妃玉頸圓瑳宜粉面

霞裾深染學暈衣枝頭窈窕魚雙貫風裡蹁躚鳳對飛

又似金鳳花 莫把根苗方芍藥留春不似送將歸

子中兄再示新詩以妃為僭次韵解嘲 乙卯

妃即嬪嬙非並后公卿雖備要嚴徐黃裳敢僭夫人服

紫袖聊瞻御坐裾石韞山輝元倚玉鷗飛海運本名魚

莫因韓李同佳傳便廢千年太史書

太守趙山甫希仁示和篇次韵為謝 乙卯二月

阿嬌金屋聚芳菲當御銀環序妾妃龍女墜天顏素頰

鮫人出水織纁衣袖垂戶外瞻雙引燕在宮中第一飛

不用蠹魚箋爾雅史君行合左符婦 謂魚符也聊答公婦之句

李子權時中屢求所居江月亭浴沂齋詩老病

未能作坐上示及和花妃詩甚工即席次韵

一首所謂一彩兩賽也 乙卯二月

姚皇 借黃字 去後幾菲：湘水依然從二妃雙淚一時紅

作鬢連枝千載綠為衣檻前斑竹應同伴波面文鴛欲

共飛吟徧世間閒草木何如江月詠沂婦

楊廷秀秘監萬花川谷中落花甚富乃用野人

韻為魚兒牡丹賦詩光榮多矣惡語叙謝乙卯

三月

萬花川谷競春菲也許湘靈媵伏妃翠葉迎風牽苜蓿
紅綃浴日濕宮衣共船不妬龍陽釣警乘猶疑洛渚飛
洛神賦云騰文魚以警乘李善注文魚有翅能飛誰把荒園一魚目換將五十
六珠端

題劉訥畫趙韓王韓魏公文潞公司馬溫公歐

陽文忠公王荊公蘇文忠公黃太史像乙卯

勲業文章各致身精神未易寫丹青八朝二百年間事
付與承明著作廷

廷秀用進退韻格賦奉祠喜罷感恩詩次韻乙卯

四月

壽宮均逸跨三年諫紙停書剩幾番聞道君王開獻納

豈容公子散神仙東華行踏京塵軟南澗休貪釣石溫

三字底須論十字券錢何似給餐錢來詩云十字名銜尚請錢按外任及

宮祠隨衙官支券錢在內侍從職事官則給藏錢厨食錢

臨川梁譚投冰溪救母謝昌國作孝德記揚廷

秀有詩次其韻譯不仕年四十九而終。乙卯四月

王祥名冠晉公卿大節寧非為剖冰救母如梁真篤孝

奈何不貴不長生祥仕至三公壽八十五為晉臣列傳第一

高立本意得珠珍河曲淫隈不可臨親已顛危心更切
眼看寒谷乃平林一作豈知寒谷隔寒林

李得善少膺賦絕句疑麇為鹿按廣韻注鹿云

麇屬注麇云鹿屬爾雅亦各言之故說文專

指麇為麇則與鹿為二物明矣次韻求教乙卯

四月

麇頭安得比麋茸紋點胎斑更異同爾雅昔嘗窺郭璞

方言今試問楊雄

伏侯今古注青州人謂麇為麇

某再勤佳篇欽嘆無已復欲次韵恐涉好辨雖然麋
鹿有角為一種麇麇無角為一種此尚何疑廣韻互

謂之屬最為大體今來諭指漢駁麋為有紋之麇以
證紋之似鹿則不容無說按史記漢書志皆云郊祀
獲一角獸蓋麟云當時以為祥瑞後作白麟之歌此
豈可以常理論哉索德引韋昭曰麋若麇而一角春
秋所謂有麇而角者又云楚人謂麋為麋周書王會
云麋若鹿郭璞亦以為大鹿而有角彼蓋知其非常
泛為形似之言果用此為證則是麇亦一角與來詩
戾矣至如禽云雌雄獸云牝牡固當有別然周禮大
獸小禽混言飛走故書云牝鷄之晨鷄非禽乎詩云
雄狐綏：狐非獸乎况前日鹿之雌雄乃得善詩序

中語此未嘗及也方自青原歸信筆唐突皇恐來日
祖忌六日早幸約得源山甫相過共不托發一笑也

寄題泰和胡氏福榮堂 乙卯八月

福備天教百順併應須富貴又長生九霄慶澤沾身潤
五色綸章照眼明翁媪歲時稱壽禮兒孫晝夜讀書聲
來春更看新先輩綠綬斑衣分外榮

乙卯中秋初夜見月欲登樓而陰五鼓如永和

鎮省七兄月色如晝

携壺擬欲上層樓雲掩冰輪且罷休誰料五更南柵路
却成邂逅好中秋

平園之北有荷花數畝張彥和兄弟以售于予

戲往小詩 乙卯中秋

紅：白：滿方塘風度人言似六郎屬我屬君何必問

康廬蓮社有周張 廬山蓮社十八賢
有周續張野張銓

中秋梅桂盛開前所未有黃岩老景說通判欲

賦詩紀異輒以二韵引玉 乙卯

岩前丹桂隴頭梅元是蟾宮一處栽怪底今年秋月好
同時仙子下瑤臺

李子西卿月乙卯秋試畢携家兄舊詩相過索

次韵 八月二十八日

三日揮毫迥出郡貳師西伐有奇勳便從蟾窟升金掌
休戀江東賦暮雲

中秋古梅盛開次子中兄韵 乙卯

抱甕畦夫破井莒炎天日：灌陳荻探支春夜無聲雨

贏得冰花帶葉開

初無他法盛夏汲水灌溉遂如此

中秋招王才臣賞梅花廷秀待制有詩次韵 乙卯

九月

山中無曆記時節望月巡簷探花發適看如來粟布金
旋視姑射膚凝雪春自春兮秋自秋總把繁枝插滿頭
那知上界碧瑤洞也憶人世道遙遊梅花雪片偏宜挂

手執新詩心已醉淮陰若肯過舞陽盧子不羞從若士

歐陽邦基母曾氏挽詞 乙卯九月

章拜通明舊書刊勸戒新誰與生此子賢矣若而人慈
孝平生事康寧九十隣令君千字誄四美得鋪陳

吉水縣黃墳母歐陽氏挽詞 乙卯九月

歐桂望螺川遺風女亦賢勉夫子而造教子以三遷彤
管言無間金籬業有傳好營高燥地置此萬家阡 吉水有歐

桂里以六一公祖登第得名

吳斗南仁傑架閣求夢芳亭詩 乙卯十月

屈平流放楚江臯蕭艾叢中思鬱陶君是國香人服媚

詩情端合反離騷

枕中莫問熟黃梁夢裡何妨集眾芳
芸省翻書慵辟蠹
蘭闈起草會含香

江西漕張同之送大有年堂酒百壺戲答小詩

乙卯十一月

無何日飲口流涎大有年堂酒滿船
孔聖百觚誰敢比
仲由噎且希賢

乙卯冬楊廷秀訪平園即事二首

乘興不回安道舟銷憂同倚仲宣樓
莫嫌四面酸風射
猶勝三場瀦汗流

梅得詩翁八月歌至今萬朵壓枝多
明年結子應無數
金鼎調時味正和

初春巖桂着花詩人太和令君首賦佳篇才臣

伯和仲和三友繼作句法高妙不容措辭姑

述四句 太和徐宰名以道字淵
子天台人。丙辰正月

蟾窟雲根夜：新天台子落四時榮
君看月桂閒花草
猶以長春竊此名

經畧待制趙彥搢侍郎挽詞

仙系根蟠李王孫種自龍暮年都督府
早日大司農
密印加三品朝冠挂四松
清暉遺跡在山水為誰容
公所居即

謝公山水有
清暉之處

送徐淵子知縣朝奉還臺

丙辰正月

聞子才華自石湖眼看清政似冰壺坊村不識催科吏
亭傳烏知警捕符此去詣臺鳧舉鳥向來行陌雉將雛
朝回試望星辰履倘許吹噓上漢無

閣皂冲妙陳處和寄蒼玉軒尚仍枉佳篇小詩

為謝 丙辰二月十日

鷺溪未易掃千尋龍籜何曾看溢林誰遣琅玕青我眼
道人披腹有高吟

次韵楊廷秀

并序。丙辰

萬花川谷主人為海棠賦二詩妙絕古今斷
章有平生不帶看花福不是愁中只病中之

嘆代花次韵

江國群芳自有餘詩才酒興不愁無却憐西蜀移根遠
醉向東風落筆初

傅粉施朱淡復濃不辭沐雨更梳風豈知命似佳人薄
不在吾公樂事中

揚子直示還壽皇御批制草熟狀將以新詩嘆

服匠手走筆奉酬謝厚貺且為王春度玉墀

之祝 丙辰

病渴相如思苦遲至今夢怯草麻時鼎湖鑄就龍新去
雲漢章成露尚垂冬日茅簷雖可曝春風浴殿豈忘思
使君自有如綸筆會踏金鑿契主知

茅山劉先覺高士繪雲琴畝求詩次楊廷秀韻
日送歸雲膝抱琴山林猶恐不高深應憐三十年前客

擾：塵心損道心

僕丁亥秋遊三茅今正三十年

廷秀跋雲琴圖記高士被遇阜陵再賦小詩

丙辰

春

羽衣當日望堯雲薰殿臨風和舜琴龍已乘雲絃已絕
披圖我亦涕沾襟

次韻孫從之侍郎寄題新喻周氏用德堂

丙辰春

醉經飲德樂厭：餘味萼莢鼓下益安得同為堂上客
共編三萬軸牙籤

次韻楊廷秀待制寄題朱氏渙然書院

丙辰春

日出杲：安問螢昭掛翻：誰受檠大哉風行水上渙
一夕泮盡峨：冰誠齋萬事悟活法誨人有功如利涉
嗟我大類醢鷄然時復一窺甕中天

次韻廷秀待制寄題李紀風月無邊樓

丙辰春

尺璧之珍成價買寸金之土連郭外豈知風月不論錢
誰主誰賓眼為界斯樓廣大由心胸應有嘉客傾坐中

厭：夜飲樂未終窓間已射朝曦紅

次韵廷秀待制玉藥花 丙辰三月

姑射山前雪照人長安水畔態尤真步搖翹玉中心整
瓔珞塗金四面勻常笑荼蘼藏浪藥獨陪芍藥殿餘春
自從唐代來天女直到平園見後陳

次揚子直使君韵 丙辰三月

雪璽冰絲結素華天孫初織費縲車花開金谷空千種
藥疊瑤英自一家下比山礬誰薄相上攀瓊木客雄誇
集仙翰苑須公等歸繼唐賢植此花

次王伯奮淹通判韵 王乃文正公家吏部尚書震之曾孫。丙辰

三槐交蔭盛京華八座擣文富五車玉樹合教依故國
霜蕤何事到山家幸經泥軾新題品全勝雲輶昔誕誇
絕唱強酬書字大固應傳笑眼昏花

林順卿迪教授兩為玉藥花賦長韵雄贍清新
老病無以奉酬輒用揚使君韵為謝 丙辰

廣文行寔稱才華如節鸞和馭寶車曾燕瓊林天一握
却吟玉藥市三家大篇追補唐詩闕 廣賢賦此花止盛二韵及四韵

事嘗留魯頰誇別有冰姿延客住白池賸種白蓮花

三月二十八日春華接前芍藥盛開招歐葛二
兄再為齊年之集次舊韵

老去猶思飲吸川靜中還喜日為年艾者天俾如三壽
談辨人驚似八仙洞鎖高峯偏入眼丹成岫嶮遠齊肩
定知樂事年：共更看新詩句：傳

陳誠之以長句送揚州花仍催踐快閣之約戲

答 丙辰

清歌句：憂鳴球紅藥年：具綵舟更約倚晴登快閣
真成騎鶴上揚州

題安成劉江報德堂白爵圖

丙辰春社

孝行通穹壤禎祥應鼓枹是家飛白爵誰子泥青烏

錢文季學狀元去春用揚吉州子直韵賦玉藥

詩老諄久稽奉酬今承秩滿還朝就以為餞

晝攬群芳博物華夕披眾說聚螢車花來北固無新唱

詩到西崑有故家鄉里孝廉流澤遠弟兄科甲縉紳誇

盍婦史觀開群玉徐步詞垣判五花

歐公詩話言揚大年與錢文僖劉

子儀數公唱和號西崑集後進者爭效之風雅一變謂之崑體唐賢諸詩集幾弗廢不行文季系出文僖而上世

本姓劉云

趙正則彥法司戶沿檄而歸玉藥已過追賦車

字韵詩奉答 丙辰

春深遊客競繁華寶馬香輪帶麴車不為來看招隱樹
有誰肯顧野人家飛：粉蝶鬢相映皎：銀蟾色共誇

今得審言詩勝畫傳神何必趙昌花
唐詩人杜審言為吉州司戶正則嘗刻其詩于解舍

江西美璆示古調七篇皆以風雅久寂寞為首
句責僕一言僕素不能詩念此意不可不酬
走筆直述所懷而非詩也
丙辰

古今足禮義情動形于言四始雖不同如委出一源竭
從此道廢根淺枝葉繁衆作日以工大本日以謾君欲
繼前修要當養其原第令思無和庶幾三百篇

平園老叟周某敬讀次對兄芙蓉絕句嘆服不
已效顰于後
丙辰九月

秋花少似春花紅眼明見此木芙蓉斜臨野水作清鏡
似照曉粧濃未濃

重九次七兄韵
丙辰

追歡尊有酒適興樂無荒風雨如知節墮筮共陟岡
是日
初用樂憑高臨鴈翅履險失羊腸醉墨淋漓處珍材費樂
浪

楊廷秀送牛尾狸侑以長句次韵
丙辰冬

江南十月方肅霜小槽初滴鷺兒黃頗思指動異味嘗
門正張羅誰將披綿強來推不去枯鰕欲進止之戶
羊羶豕腥尤可厭肪截脂凝在何處草玄子雲黃門郎

遺我黑質而白章形之硬語努力強寫以奇字伴史倉
愧無纖手色傾國壓糟磨刀走滅獲喜于左手持蟹黃
美勝八珍熟熊白古來狸首歌侯門名以牛後真屈君
從今玉汝洗俗諺好與紈袖陪梁園公詩如貂不煩削
我續狗尾句空着

寄題高仲一夔殿撰識山堂長韻 丙辰

買山老山間乃識山之容愛山無古今此論誰非同仇
仙來康廬一轉語獨工不識山面目只緣在山中譬之
塵漠：又如水溶：人魚居其間孰識礙與通我昔少
年日自携七尺筇盤旋山南北憩息林西東朝看山之

橫暮看山之縱貪多眼為乏陟陟足已慵拱揖且不暇
賞識良自蒙方悟白司馬草堂對穹窿彼既若獻狀此
亦如發矇秀甲天下山至言出心胸今君欲繼之築堂
會奇峰何嘗遠城市而能日迎逢山形不動體山色含
真空風雲有蓄洩氣象無終窮雨餘四面翠日麗千仞
紅氤氳香爐煙挺拔雙劍鋒最愛五老人峻嶒美所鍾
可望不可即有意容相從羅列皆兒孫几席次第供山
雖跨兩邦茲為寔長雄不為堂上客詎信山有宗寄語
遊山者毋徒走憧：

凍頭王氏菽芳堂 丙辰冬

一聞編簡香如入芝蘭室况將百尺樓高貯三萬帙清
芬藹階庭賸馥霑黨術從渠海上夫顛倒效李赤禮記家
禮記家有以
塾黨有庠術有序國有學蓋自家而達于國今鄭氏以
術為遂反在鄉黨之外夫其次矣術蓋路也當如本音

平園續稿卷第一終

平園續稿卷第二

周益文忠公集四十二

古律詩六十二首

起慶元丁巳止慶元庚申廬陵

丁巳二月甲子蜀錦堂海棠盛開適有惠川繡

錦堂記者招伯威德源為齊年會次舊韵

曾因客夢到西川萬戶疏封祇隔年花重錦官思杜老

鶴飛沙苑看徐仙哀顏尚許任爭齒淺量深慙賜及肩

照眼蜀粧依繡幌共驚十載識先傳揚子直秘書未相識時從辟成都嘗

夢予使蜀淳熙己酉春入為宗正簿謁予相府退語客云儼然夢中人也時予方自許今徒封益

二月十二日夜夢奏事 丁巳

曾把疲駕佐聖明枕中議政似平生五更鼓角驚殘夢

彷彿街司報點聲每五更例是街司報點

晨起有感二首 丁巳二月

楚尹三為禮未哀湯衡五就欲持危翱翔不作奔陳計
接浙何堪去魯時

內禪終成便乞身營：眾口尚成城後來進退交相和
何似當時微罪行

平江顏侍郎度挽詩 丁巳

吳門自古俊英多中外推公政事科議禮不妨豐酒課
治繁猶暇講禪那榻前屢記宣除目川上遙憐逐逝波
底用鐫碑紀廉直鄉評正自不消磨公在朝日寫華經為湖州每與僧談

禪

曾無疑三異以長韵送金橘時已暮春次韵 丁巳

荼蘼殿春枝滿霜盧橘熟夏今乃黃彈丸煌：照坐光
老叟驚詫見未嘗客語採果孟冬月剖竹為符帶蒼雪
包之赫蹠滿貯中纏以絲泉外合節或藏菘豆因醉翁
或雜寸橐仍緘封三說未識將誰從但覺色香新摘同
分甘安能與眾樂秘方何惜都傳却已誇指下石化金
仙指併求君勿噉

彭孝求以詩送芍藥云今年厄閏不佳且許紅
都勝不至云待明年戲答小詩 丁巳

厄閨黃楊古所傳翻階紅藥豈其然明年果得真都勝
便是雙鷗一箭穿

連年視聽不明有耳雨空花之對今歲尤甚戲

成小詩 丁巳

夜雨稀聞：耳雨春花微見：空花自憐他日盲宰相
今復癡聾作富家

去夏孫從之示玉蘂佳篇時過未敢賡和今年

此花盛開輒次嚴韵并以新刻辨證為獻 丁巳

食菜曾饗三百困種花重看一番新洞仙舊賞輪無迹
工部高吟筆有神疊雪雅宜歌白雪送春仍欲買青春

向來偽帖今冰釋從此佳名徧廣輪

張履妻王氏挽詞 丁巳五月

逮事尊嫜日以嚴退從娣姒一何嫌不愁囊橐金珠減
但喜園林錦繡添四德助成家赫：一身寧計病懣：
歸尋二雅應無憾况有良人為發潛

追挽新永州守張奭妻宜人王氏 丁巳夏

世系蟬聯運紫樞夫家鱗襲佩銅魚奉先睦族俱難繼
燾後劬躬總可書身到東南門有爛年周甲子饋俄虛
異時追錫魚軒寵不及零陵從隼旗

永新賀升卿著春秋會正論屢督跋戲往 丁巳夏

文瑞樓

三傳名家各是非聖經原自許傳疑遲_二著諸君知否
游夏猶難措一詞

江西美瓊錄示新舊詩一編戲題二十字于後

丁巳閏六月

夢筆異文通詩篇搃自工長哦三伏裡句：是清風

洪景廬內翰為甘叔懷作碧崖修造疏戲題小

詩_奉勸本宮管轄而下諸道友助緣

丁巳十一月十日

碧崖道士拍洪肩白水真人覓玉泉我似東軒無一物
閩山風月不論錢

胡氏逢慶堂詩用乘成兄韵

丁巳

柿紅萱蕩映階濃泥紫芝函帶璽封善積古稱家有慶
身強今看子其逢壽觴莫惜斟三雅祿養猶期饌萬鍾
樂與鄉人傳盛事老來醉筆任橫縱

萱草忘憂植之北堂以娛其親此詩人本意因毛詩
作諼故孔氏疑非草名韓詩作萱說文作蘆其理雖
明然後人往：詠草而不及花不知舉草則花在其
中如石竹繡羅衣之類是也花開以夏世謂其色為
柿紅別一種淡黃色名麝香萱草羅生階砌忘憂之
佳玩也凡言北堂必南向然後宜暑故凱風美孝子
借長養以慰母心陶潛高卧北窓涼義或出此樹萱

亦以是與因賦詩輒為之說未知然否

次韵李得善學錄需酒納婦 丁巳十一月

合好酒憑麴米春分甘那暇問醅醇遙知北海招佳客
共賀東床得好姻

戊午仲春同甲小集次舊韵

會老三入似穎川同生絳縣免疑年 各年七十三 尊常有酒

何妨醉事每無心即是仙儉欲固應知足忘形誰問

是肩香山已寫丹青像 德源近繪洛誦仍憑副墨傳

太和彭孝求連年許芍藥紅都勝今方以唐律

送一株小詩為謝 戊午三月

龍洲舊說紅都勝象罔今逢赤水珠更挽春衫來比並

彭有侍姬因來詩用如纏十萬上江都龍洲花皆韓退之事故戲之

紹興庚午某與安成劉逢辰秋闈同薦逢辰四

子伯德禮淳熙甲午解魁登第今宰臨川仲

德仁拔癸卯解叔德恭負雋聲季德性紹熙

乙卯復冠鄉舉出示當時小錄手澤在焉為

題二小詩於後 戊午上巳

丁年韋布逐槐忙結綬王畿四紀強已把衣冠掛神虎

夢回猶未熟黃梁

鹿鳴舊籍晚重看翰墨場中興久闈同榜諸郎皆舉首

所益公集 卷之二 五
老夫安得不衰殘

新光州守趙師奭字國佐才高一世仕京口以
謫廢宰太和以憂歸得郡待對沒於逆旅家
會稽又遭熱識者憫之今既葬矣其子寄行
狀求追挽嗟悼不足情見乎辭 戊午五月

籍甚天支萬事通傷哉人爵一生窮飛英北固讎何極
游及西昌秩未終千騎絕憐成畫餅八人那忍助融風
只應快閣長流水遺恨滔々向浙東

劉仙才仲俊示其父醉菴詩集索鄙句 戊午夏

蹇步嬰跼到竹溪病眸眩瞶刮金篦清風滿座無塵事

遺墨盈編有舊題又羨山人居水北今知詩社續江西
醉吟跌宕誰能寫髣髴琳琅識介珪

子中兄招飲次韵二首 戊午夏

青衿學道不憂貧黃髮相看並乞身前有二疏今可企
免教人謂魯無人

立朝共踏東華土居里同抽北闕身從此清風與明月
尊前真屬兩閒人

慶元戊午重九天氣晴和侍七兄提舉監丞早

集清都臺午飯讀書臺晚集神岡西臺皆古
跡也戲成小詩

午風和氣借春來兩足黃花趁節開要識重陽真富貴
弟兄一日歷三臺

蔡邕以侍御史轉治書侍御史遷尚書三日之間周歷三臺又陸士龍與

兄一日上三臺
已未立春留揚伯子長孺知縣小酌夜聞窓竹
有聲伯子以為雪或曰風也已而果雪詰旦

敲門送詩走筆戲和

莫訝哀翁笑口開故人風度繼歐梅墮筵雪陳魚麗遠
蹋迹詩仙鳳沼來酒似茅柴居鬲上句如桂子落天台
新年春日相追逐誰謂天公厭兩回
謂坐中舉東坡詩句
已未二月十七日會同甲次舊韵

里仁初不問山川身健從交換歲年紅紫丁寧容老圃
丹青點化屬詩仙情均鴈序兼鶯友壽貫犀顛映鶴肩
莫筭酒行徵罰令一株花下一盃傳

東坡光道人贊海口山觀犀顛鶴肩

送韓希道亞卿移漕江東

己未三月十七日

饋餉隨蕭不作難秦淮今視漢秦關天開虎踞龍蟠處
地近鷄翹豹尾間洗印先經三峽寺觀風偏踏九華山
盡收奇秀歸詩索却趁賡歌供奉班

賀升卿年垂八十以書寄平園新詠二十二篇

又錄十年前簡予四詩尚有訪戴之興謹次
最後一章韵為謝 己未春

文與年高豈樂天字隨心正亦公權吟詩作賦晴窓裡
 問柳尋花野水邊升卿居永新田東別墅去縣百十二里喜我新巢三徑
 就勞君舊句一時編雪舟有興休回棹共載期追李郭
 仙

朱叔止軫通判屢示詩詞綽有家法輒次年字
 韵一篇兼簡汪仲嘉數學樓大防顯學二尚
 書 己未

筆勢奔騰決大川談鋒激烈敵丁年花開共入長春苑
 柯爛爭看不老仙西笑君先聽漢履上征我未拍洪肩
 前一聯答牡丹芍藥同開口行從今日日親漁釣恐有
 手談之句後一聯屬二尚書

三賢尺素傳天防奉九十餘之親仲嘉年七十九近皆得書銀鈎爽：嘆羨不已有索鄙作之意
 故及

仲嘉致政敷學尚書汪兄寵和鄙句且寄遠軒
 記詩銘等皆慕白樂天語也敬以來意盡用
 樂天事次韵

鄴川人物擬三川公似香山更永年揚柳櫻桃俱是幻
 蓬萊兜率孰非仙平生名脫虞卿曆晚歲詩齊夢得肩
 近岸連檣多賈客定携新句海東傳

顯學尚書樓大防奉九十六歲之親戲綵未央
 古今鮮儷遠蒙五詩皆和鄙句謹次韵為慶

己未

設堂眉壽正增川手種蟠桃莫計年得道身陪金母宴
應緣居近寶陀仙煌煌八座懽承膝濟濟諸孫戲疊肩
家慶新圖爭快覩願將摹本寄郵傳

奉酬新南劍守朱叔止次舊韵寵寄之什

己未春

竹使符分化劍川政成應不俟暮年買臣聊引會稽綬

長倩即登廷尉仙基戶雖高猶易敵

叔止昨與小童奕屢負來詩及此

詩壇弥峻却難肩通家有契無纖隙惡語深藏莫徧傳

徐商老夢辛叅議直閣進書登瀛創儒榮堂來

索鄙句許示奏稿寄題

己未三月五日

三孔三劉歲月賒後來儒術數君家五枝舊折燕山桂
八月新乘海上槎方履圓冠無愧作西崑東觀有光華
牙籤縱許窺青簡銀海何堪眩黑花

多葉白牡丹一幹兩花其一重臺其一每葉之

上間以青純前所未聞名之曰青白圭蓋用

司馬相如檄析圭注白藏天子青分諸侯也

為賦此詩

己未

品極王封壺有妃其餘國艷視諸姬上黃貴紫知無敵
藏白分青合付誰舊譜由來虛爵邑新名此去倍籜維
古之兄弟方華鄂今以公侯屬縹枝

青白為縹

叅政李秀叔彥穎挽詞二首 己未

憶昨淳熙謹萬微再登耆哲貳繁機 孝宗朝惟公與鄭仲益兩為叅政

謀猷入告宸心沃俊乂旁招物望歸惠歛十連遺愛

遠年開九袞近臣稀全名備福公何憾念舊傷心涕

自揮

十載山林號後溪三朝鍾鼎列前疑進賢自許唐師德

持論人推漢望之 倪正甫侍郎公門生也作行述專以蕭望之比公且載公慕婁師德之語

玉立諸孫傳素業金聲高弟振清規送車遠莫陪千兩

誄行深慙措一詞

三月三日適值清明會客江樓共觀並蒂魏紫

偶成二小詩約坐客同賦 己未

上巳清明共一時魏花開處亦連枝前身應是唐宮女

猶記昭容雙袖垂

修禊歸來却踏青臨流謀野兩閑情不如省事遊春女

挑菜渚邊看水生

某昨蒙寶文待制輟送揚州紅都勝欲占小詩

叙謝怯大巫而止茲者賢郎明府相遇屢索

為藥詩寔不曾作謹用前意成四韵拙遲可

笑 己未

紅藥何年有繁花掃地無風光分謝砌根撥記江都兩

兩丹山鳳

一株
四花

炎：赤水珠春衫誰氏女比並強施朱

永新譚漢卿章求筠坡書院詩用誠齋之韵之

意而推廣之 己未五月辛丑

軒窓彌望倚：竹有斐切磋琢磨足天籟鳴風異絲木
晝夜鏘金戛球玉碧梧空有棲鳳枝何如以寔飼其兒
扶搖下視鴻鵠波附翼會集夔龍池

安福孝子朱雲孫血指割股然臂愈父母疾化

遂行于室家邑上其事于州他日讀待制廷

秀揚公所述誌母之文為題小詩于後

孝子因親不受膚忠臣為國亦忘軀一毫不拔何為者

此姓渠名枉共朱

無心居士劉君挽詩

并序
己未

吉州安福縣之東江有大族劉氏世藏書喜從名勝
遊竹林逸翁諱冕字端甫里長者其沒也權吏部尚
書劉公才邵志其墓有子曰彥中字立道學世其家
仕至從事郎贛州寧都縣主簿卒一子維岳字希申
自號無心居士年六十七慶元四年六月壬申考終
命明年冬葬所居忠孝里梅溪之原昔紹興初予叔
父靜江府君假丞安福與簿君善從後二十年予復與
之同對策集英殿廊至是希申之孤揚祖來乞銘老

病思涸姑為挽語以慰其子且紓予念舊之意云
應物無心善自寬臨財有義肯儒酸竹林逸老多餘慶
鴻苑奇書獨飽觀名父平生淹簿領佳兒他日紹衣冠
追思再世相逢舊西望梅溪一永嘆

龍學張彥文大經挽詞 己未

豈弟基巖邑名聲起使華臺評扶國是諫紙合謨嘉念
昔陪東府看公肅正衙班齊人立鶚疏出字飛鷗漢履
星辰遠江祠歲月賒負圖官益峻賜札禮彌加耄耄常
稱道兕孫競克家歸全無一愧殄瘁有長嗟

王籍文學求讀書堂詩 己未十月十二日

倚相端能記典墳子羔未可治人民十年莫作攸之恨
萬卷方知甫也神堂下從渠糟粕議城南容我簡編親
鐵更三檀韋三絕將聖猶然况後人

平園創三層樓子直秘書遠賦新詩有山中宰
之句自念掛朝服築層樓偶與陶隱居相符
他日倘得壽與之齊則登臨之樂未已也次

韻為謝 每句用本傳中語。己未

弘景掛冠永明年築樓三層家政傳 弘景築樓三層自處其上弟子居中
實客居下與物遂絕惟一家僮得至 俯聽松風輒欣然 特愛松風每聞欣然 時人望
之疑是仙 獨遊泉石望見 天教輕捷游方外 徧歷名山尋訪仙藥

身既輕捷性自喜向來不為宰少時家貧求宰縣不遂後自云永明中求祿輒

愛山水云差不爾豈得今日差耄期猶且有壯容年逾八十誓戒何妨臨鄮

海曾夢佛授記名為勝力菩薩乃諸鄮縣阿育王塔自誓受五大戒鄮音茂後改為鄮即今明州

丙辰七兄有詩及人月分圓已未彼此服藥未

能夜坐今次舊韻為重九之約己未

初非遠道思綿自是岑岑懶涉川咫尺却成千里隔

蹉跎還負十分圓坐看碧落飛金鏡遙想黃樓運筆椽

東坡穎濱中秋倡和正在黃樓時寬約重陽各強健登高同賦去年篇

小詩戲王駒甫詩來早轉約伯威德源得善彥

和志伯西美粹夫及愚卿兄弟共不托一盃

已有定例不設他味乙未九月二十八日

巖桂芙蓉映菊籬小春仍上海棠枝甕頭幸有茅柴酒

來看平園萬戶棊

端明殿學士張定叟杓挽詞己未

魏國勲勞四海知南軒愛直古人遺中興家世誰如此

季氏豪華尚似之金殿新班將得政玉麟舊鎮且移麾

落星小駐星還落江路東西總去思

次韻楊廷秀待制二首有序己未

其妾規層宇欲屈故人落之乃未許枉駕先貽二詩

曲盡登臨之勝遂成絕唱謹次嚴韻其前自叙其後

謹簡因致一來一往之意

十年不侍殿東頭臨水登山隱者流一眼瞳方無異相
三層句曲有巍樓幸殊王粲非吾土何事龐公不入州
至後臘前天欲雪扁舟乘興肯來否

官府新辭上界仙碧瑤洞口晉桃源默存長在清都境
歸去休蕪靖節園為問隆樓并傑閣何如易野及平園
明年大作南溪社會訪拾遺花柳村

廬陵主簿李子賢東頃示長箋用劉元城主簿
可教事去秋復惠楚詞皆未果荅今代還索
言老謬勿哂 庚申

地跨江閩秀氣兼玉成界尺直方廉西曹久處習鑿齒
高士誰知孫子嚴我愧元城題品重君能楚北筆鋒銛
天門底用相吹送公道今方拔滯淹

七兄初約登新樓作重陽尋前歲之盟遣病足
不能出佳篇送魚酒且及二蘇逍遙堂風雨
之句次韵叙謝并為後約 庚申

徧走三臺一日中前年樂事轉頭空新樓期對萸并菊
舊約翻吟雨與風魚遠長江殊有味酒窮大甕浩無窮
登臨何必拘重九脚力强時信即通

讀張欽夫南軒集夜夢賦詩 庚申七月

道學人爭說躬行少似君中心惟主一餘事亦多聞湖
廣規模遠瀛伊講習勤平生忠與孝髣髴在斯文

慶元庚申華隱樓成其下明農堂新接牡丹亦

盛開敬邀伯威德源二兄小集用舊韵

閏二

月一日

花接門園記洛川明農堂畔識豐年自憐級拾身猶健
共約棲居易欲仙倚檻聊舒千里日舉頭應側萬人肩
那知賓主非劉石枉作沙河酒席傳

伯威止酒累年德源與僕不能飲

廬帥錢待制之望挽詞

庚申

白鹿爭看擁碧油貂蟬銳欲出兜鍪初官事業追山盜

晚歲功名靜海舟鶴淚八公垂破賊虎飛萬里欠封侯
儒科有子傳衣鉢積善徐卿慶未休

送楊伯子長孺知南昌縣

庚申六月

往年錢尊公出宰新吳縣仁愛馴桑雉聖明遇未絹君
今治南昌家學世其官密令行教化明庭集孔鸞煌煌
斗牛間寶氣先後應卓魯聚一門誰續職方乘

蕭彥育虞卿頃年示詩篇且求次誠齋待制所

贈佳句之韵嘗許赴省時勉為之遠相遇以

七步見窘就坐呈老醜聊述本意

庚申九月二十九日

詩句驚人日以昌巍科只待賦阿房源深元自流山陝

蘇老今誰敵豫章肯向洛陽尋白傅曾從江夏學黃香
漢廷結綬君家事寧羨彈冠貢與王君姓氏與蕭彦育
遠同東坡詩鈔語
有黃香正
指山谷

通直郎致仕劉楹挽詞 庚申十月

殖學擢文眾所推椽州佐邑譽尤歸羔羊德備嘗縫革
神武門高早掛衣斯疾頓垂今者愈此生垂及古來稀
遙瞻烏石岡邊路挽奠無從只淚揮

次張子儀抑荔枝詩韵 并序
庚申十一月九日

福帥華學尚書遠示夏末與三衢丞相生荔枝唱酬仍
餉日乾命其賡續謹次原韵發二千里一笑

驛騎塵飛受暑風絕憐丹臉透青龍白樂天荔枝詩紅
透青龍實可憐
甌閩後出名高尚廣蜀先驅品下中荔枝漢貢交州唐
取之蜀而閩產至
本朝方盛非一
廣可望其萬一 遙憶東坡分晒日預邀老杜賦輕紅明
年倘未歸黃闥生熟何憂更異同

光宗皇帝挽詩二首 庚申

與進依三善臣為詹事
上與議 從遊閱五冬初終存繾綣議論
極從容輔政時雖淺開藩眷自濃宰相擬鄭僑帥不如
潭上令且除臣
仙宅犬猶從禹湖龍

仁愛周華夏英聰貫古今知人符日照育物稱天臨閑
退親傳子御批付三省又欲
退閑遂行內禪 憂勞舊損心景光昭百世

昧谷謾西沉

賴守張子智貴謨重修思賢閣奉趙清獻公庚

申十二月

霜凝憲簡肅朝儀日轉熙臺治郡時事道初無中與外
居人自有勇兼慈此謠曾詠來何暮德政嘗留去後思
眼看清規非面友肩隨畫像是心期

平園續稿卷第二終

平園續稿卷第三

周益文忠公集四十三

古律詩六十八首

起嘉泰辛酉止嘉泰甲子廬陵

余仲庸鏞從辟廣西示洪景廬所作松風閣記

題詩反招隱辛酉正月

小松風颭：長松風冽：遙知蒙溪上餘韻兩清絕宦
遊正可樂歸夢未應切待生丁固腹徐化莊周蝶

寄題安福朱景源景雲所居二首

四始昭垂棠棣詩九江屹立義門碑請君更學張公藝
忍字常為一字師

右義聚堂頃予刻江州陳字義門碑遺其裔孫今以

奉送請廣其傳

友悌人知天亦知風雷會變籜龍兒從今直節亭前後
枝茂宗生竹也慈

右直節亭唐王勃慈竹賦云宗生枝茂天長地久萬
祇爭盤千株競糾如母子之鈎帶似閨門之悌友又
喬琳賦云九族睦叙孝友威儀是竹必滋五服相殘
骨肉携離是竹必哀苟自家而刑國亦觸類而增思
併錄以遺朱氏

管長源澣朝奉挽詞

辛酉二月

青袍黃甲舊飛英紫綬金章晚更榮隱德家傳遼北谷

修齡人羨濟南生

君年九十二

墓中深刻同年筆

誠齋楊待制作誌文

世上難磨異日名識面有時追往事傷情無路莫佳城

萬安賴秀才家拾青樓二首

辛酉二月

經術逢辰富貴兼取名銀艾未傷廉更須喚作藏書閣
別貯鄴侯三萬籤

高柳侵簷帶綠煙平林遙望倚青天詩文不必工摹寫
留與恩袍色鬪鮮

靜菴曾伯虞機挽詞

辛酉

往聞郭兼三學易之指南良齋從其子議論出青藍授
徒蘭溪上妙理常窮探真旨傳何人著錄推靜菴稱疾

似玄晏觀復師老聃云：已歸根乎客母多談

登仕即曾中佐迎母王于樂氏母許新居成即

歸于是築第備極輪奐母欲遷而逝乃虛中

堂榜之曰思永為賦四韵 辛酉二月丁未

夏屋渠：斷采椽筍與就養有成言南陔久嘆薪吹棘

北户空勞草樹萱堂上只容瞻像設寢中那復問寒暄

朝思夕念嗟何及彷彿神遊入夢魂

寄題江陵撫幹胡仲方渠官舍信美樓二首 辛

酉二月

彼美人兮樓楚都身親祭戟俯江湖賓僚遂使多賢者

共願飛鴻亦樂乎

家在香城溪水邊冠霞飛閣切雲煙從軍樂事猶吾土

底用銷憂賦仲宣 胡祖居冠霞樓雄甚

追挽胡季文籍知縣 辛酉四月

萬人競渡一標歸鄉里今猶記錦衣芹藻再思俱有造

穀蒲連執總成非風吹劍首空遺映日照禹中遽落暉

宿草縱存無路哭追還往事重歡欵 紹熙庚辰惟公第一名登第

送楊子上扶赴柳守羅達甫之招二首 辛酉四月五日

使君為郡入蘇天六月清風更穆然子到同吟仙井橘

公餘趣賞北湖蓮

誰傳衣鉢付揚雲卿子文鋒冠舊軍連甫魯冠鄉舉主合握蘭
賓折桂來春吉語一時聞

七月十四日江西美約周愚卿兄弟及許景陽

相遇共觀鶴雛羽毛褐色因飲雙投新酒摩

閩中生荔于白蓮池上遂成勝賞明日西美

有詩走筆奉和 辛酉

起來汗浹似翻漿客帶清風變早涼鶴子曳衣猶淺褐

鶯兒對酒已深黃白蓮近揖三千女丹荔遐招十八娘

但把槐忙付年少不妨老伴燕林塘杜審言宴公主山池詩云鹿麋樹妓

席鶴子曳童衣

江西美復送四景詩再次韻 辛酉

酉歲應知富酒漿頻年暫輟奏伊涼中國恤沼蓮不使紅

侵碧池鵝聊容白護黃照坐雖無駢火寔東坡荔枝詩云炎雲駢火

寔今此果已過 潔尊幸有絡絲娘西風早晚驅殘暑何日尋盟

到野塘

時久闕雨回西美東就附小詩 辛酉

君能多益辨戎鼓再而哀安得催詩兩心搖畢月離

三次韵答江西美 辛酉七月

菲飲簞壺食與漿淡交非復世炎涼佳名誰合戎州綠

妙語端由太史黃無怨不須移孔議有情未可老徐娘

荷香襲坐忘歸興不覺昏鴉影度塘

四次韻 同前

只因瑞露酌天漿邂逅移尊赴晚涼眼看碧幢紫蓋綠
心慙白鵠立槐黃飲隨人量陳三雅興入詩情詠四娘

雲黑月離今驗矣共欣甘雨溢波塘 東坡催考校詩門外白袍如立鵠

五次韻 同前

客嘉合饋五先漿竹好仍生一味涼天與冰肌勝傅粉
星馳火齊捷飛黃將雛華表疑丁令喚渡京江憶杜娘
屢枉新篇誰可擬一川煙草賀橫塘

四景詩似欠一篇五更枕上足成之錄呈西美

司書勿勞屬和僕亦偃旗閉壘矣 同前

甘寒何必拓為漿也解逡巡造醴涼更喜鶴鳴添子和
休因荔進引蕉黃花如宋玉窺隣女詩似劉郎問泰娘
只欠西湖雙畫舫便疑風景類錢塘

八月十八日與客小集賞巖桂而紅梅海棠金
林檎盛開明日江西美賦四絕句走筆次首

篇韻 辛酉

壯觀江湖拍岸時 錢塘是日潮極大 肯來小圃訪樊遲天憐無

以娛佳客併發春花伴桂枝

題龍泉李宗儒師儒兄弟槐陰書院 辛酉

君不見漢京辟雍載皇圖博士直舍三千區分行數百
白槐市下有諸生講唐虞又不見本朝肇啟迹英閣稽
古隆儒號經幄風清枝翠似交舞日暖花黃時細落東坡
入侍逆英閣絕句曠：日脚曉猶清細：槐花暖自零
又為內翰謝御書詩云日高黃繖下西清風動槐龍舞
交翠注閣前有君家欣慕名書齋伯仲方將與計偕橋
槐枝如龍形門且陪億萬計朝路終馳十二街義柳文筆妙天下引
喻牛行相君舍勉哉植德企前修他日兒孫攀逸駕

龍泉項汝弼字唐卿盧溪書院子名夢授

往聞澹菴評鄉賢有朋曰項如麓墳是非褒貶乃枝葉
孝友忠信為本根姓名不願唱上第詔旨特許旌高門

項名克與胡忠簡公俱以春秋學馳名化行同邑得模
不及廷試紹興十年以行義旌表門閭楷經授猶子留淵源輕財重義續前烈築屋貯書貽後
昆誰能漸摩入我室毋但涉獵游其藩泉江况乃多侍
從遠稱二郭近則孫學成滾：上臺省健翮萬里看騰
騫

寄題龍泉李氏萬卷堂蟠之父

斷簡殘編已可披排籤插架有餘師五三載籍多為貴
九百虞初小不遺潤屋殊非阿堵物傳家自是寧馨兒
老來鉛槧心猶在每憶讐書館殿時

安福歐陽紹之奉議桃花石二絕句辛酉九月 戊辰

蟠桃一綻歲三千仙傳荒唐未必然何似此花留巧石
有開無落更長年

武陵溪畔古桃源洞合空勞記往還晉代漁郎心不轉
隨花化石在人間

巖寬桂岩堂二絕句 辛酉十月庚寅

岩桂標名本在山城居翻以桂為岩香浮仙籍書生事
早拜恩袍映彩衫

卜築華堂已八年花因舊植有新添廣寒何待中秋到
明月清風即步蟾

次韻章茂獻謝茶 并序 辛酉十一月

某比得閩焙小春馳獻侍講侍郎乃蒙佳什之賜且
聞因任江祠輒次嚴韻併以為賀

墨淡名高筆有花胸中五色補皇家諫書夜奏常焚稿
講舌時乾每賜茶秘視重尋丹灶火長生元笑紫河車
新詩有味知何似雙井春來試白芽

太和宰趙嘉言汝暮造大舟付諸渡又停鄉村
酒坊代輸其課繪二圖各題小詩 辛酉臘日

爭渡行人簇水邊水中鮫鱓慣垂涎從今何待跛男子
共載誰非利涉川

攤酒催錢吏打門那堪嫁娶盡朱陳稍捐官府秋毫利

散作鄉村浩蕩春

太和丞廳葺三亭于官廨曰清真

謂松曰特秀

謂江山曰成蹊

謂桃李又有讀書臺龍首池寄題

三疊 壬戌三月

古來丞尚涉文書近世何曾識吏胥不對溪山種桃李

官居真復似僧居 諸邑文書雖繁丞階並不貪押

松竹林中讀異書公餘有味在三餘立之猶未登臺閣

余不負丞：負余 韓文崔斯立名立之

池疏龍首水循除日暖遊魚得自如官正忘機民正樂

魚子今知我：知魚

送綸丞郡章貢

有序壬戌四月二十六日

賴與吉隣予少遊焉綸又待倅缺本謀迎侍而史君

象先侍郎亦見招云吾鄉永嘉倅廳有戲綵堂蓋趙

巖貳郡時為清獻公作今吾州乃清獻舊治且公舊

遊何惜一來雖老病未能如約然情見乎詞

鷄犬新豐識江山清獻遊吾寧忘舊隱汝且事賢侯剩

酌廉泉水徐題戲綵樓 倅廨白鷗樓明年更強健亦欲

理方舟

華文閣學士沈持要樞挽詞二首 壬戌秋

百篇與窻上黃 一代英靈水出茗使節帥符周郡國天

臺儲禁切雲霄趨庭祿養連三組御極恩章接四朝行
馬施門兼五福死生窮達祇囂：

宦遊到處績皆凝名遂歸來望更增棊勢晝翻饒國手
蒲團夜坐啟禪僧丰標常憶清如鶴書札頻通細若蠅
戲彩堂空詩版在未興耆舊傳吳興

寄題賴簿彭南夫讀書樓二絕句 壬戌八月

魯門嘗佐虎頭州濟美人猶滯督郵三仕今看孫又子
會持麾節繼前修

江山不怕簿書迷鸞鳳何妨枳棘棲公退讀書消永夜
遙知太乙下青藜

劉訥畫廬陵三老圖求詩 壬戌

同辭宦路返鄉閭兩驢驢中間一鷲前後頷瞻羞倚玉
支干引從偶連珠三人不用邀明月九老何妨續畫圖
從漢二疏唐尹後相親相近此應無

西美司書賦生璫瑁佳篇仍索鄙句奉和一首

壬戌十二月

衷甲藩身却誤身誰教全體點班鱗幸容生致池中物
忍使剝為席上珍剝買魚鹽便爾性 養之法曰易
鹽水飼以小魚間

隨龜鶴稱吾真却思御合紋如豆侍食鈞天二十春 殿

御茶林當金鈿此器每酒徧進御膳盛以大合金托其
內紋顯如豆謂之豆子班是為上品蓋歷落不糝糊耳

走筆再次西美韵兼簡季章 壬戌

天教无物伴閒身不為衣裳易介鱗莫效盧亭思辟毒

見本草注其字且同李閣賦潜珍釵金元重名兼器度士

不許用金飾帶空勞假象真金犀帶襯以玳久侍尚方

叨賜予新涼來醉菱堂春家有此盃及

次韵楊廷秀待制瑞香花 壬戌十二月二十日

灞橋忍凍兩眉攢漢殿含香别一般粉面固宜垂紫袖

錦裳何必著中禪禁廷侍史今同宿宮帽花枝故自藥

咀嚼新詩懷舊直刺貪寧不愧河檀

廷秀再用韵見寄末句易檀為蘭故亦不復從

前韵 同前

修竹凌寒劍戟攢何如綺綉媚千般爐薰錦帳朝衣夾

花顛金釵舞袖单少態山茶空艷：多枝梅蕊恨藥：

西清垂意君知否應記青綾舊握蘭

丞相余處恭端禮祝詞 壬戌閏十二月

勲業良平亞聲名丙魏齊擎天安玉柱推轂聚金閨鄉

豎休鵬翼沙堤望馬蹄新麾辭海上舊治樂湘西豈料

占飛鵬真成夢白鷄公辛酉九重思汝礪三鎮有兒啼

昔者同朝父公能不我揆八哀空日誦一束幾時携

揚子直秘書以一詩送小兒歸省又一絕及平

園花木枝文苑英華并次韻發笑

癸亥春

老去何心悅盛華觀書無奈眼昏花但思載酒揚雲宅

細問三州二部家

從象隨卦云尔

栽花種竹滿平園人道安閒似樂天自笑鉛黃消永日

何如蠻素樂華年

壬戌冬至胡季亨伯信仲威叔賢相過落花一

原正開置酒賞之王南劔偶遣矮人獻笑坐

中以開閉長短為戲因成四句

霽色舒去景寒醅灑玉盃閑譏方且閉國色已先開幸

有佳賓客將何助笑吟共言長日至底事矮人來

嘉泰癸亥元日口占寄和乘成兄

歸田初不隔江淮底事新元未往來賭酒彈棊真夢爾

初年與兄以此膠牙藍尾亦悠哉莫思樂事年減且

穿歲不覺天明喜春花日：開兄弟相看俱八十研朱贏得祝嬰孩永

通判每云朱書八十字于

襖祿兒額上欲其壽如此正月三日胡季亨及伯信仲威叔賢昆仲歐陽

宅之季達可同自永和來雨中小集疊岫閣

用金鼎玉舟勸酒下視梅林戲舉說命五說

戲祝六君蒙次前韵賦佳篇各徵舊事各以

一篇為謝 癸亥

未復中原近守淮前朝該輔只時來濟川用礪我無是

作醴和羹何有哉正喜春晴知歲美初二初頓招雨澁

坐筵開和詩更作齊兒語老手屠龍合拊孩答胡季亨

舟浮江海達于淮不盡詞源滾來人是浴沂三益者

句成泛剡兩佳哉千鍾但使尊中滿九帙從教案上開

却憶兒童聚嬉戲爭騎竹馬弄泥孩答胡伯信

元和頌聖雅平淮韓柳文章付後來聯筆照人今案者

斷金定契古誰哉白醪勸我頻需醉青眼蓬君肯懶開

會散東風吹面纈凍梨誤喜相如孩凍梨記坐上語相法有孩兒形。答

胡仲威

朱顏青綬憶秦淮白鷺洲疑鰲駕來側畔交遊欣作者

中間賡載負康哉新春漸覺風光好陳迹時將日記開

惟有詩情不如昔旁觀俯掌倒綳孩李白金陵詩云二水中分白鷺洲城

上有亭紹興戊寅分教時每登覽忘歸自此日有記事已四十六年今廬陵江中亦有白鷺洲嘗創小樓會客

其上懷舊及之。答胡叔賢

安流咫尺異踰淮有興何妨疊棹來茗椀茅柴殊易耳

萍蘩豆粥豈難哉談鋒不怕通宵直燕席寧辭逐日開

况是上元佳節近華燈萬點看蓮孩謂孩兒蓮。答歐陽宅之。

濁涇不必羨清淮社燕賓鴻任去來老子何曾憑日者

後生正合競時哉圓規枉把方心鑿塵世常令笑口開

八十老翁行未得不如能說小兒孩

答李達可

周愚卿江西美劉棠仲各賦江珧詩牽強奉答

用一字韵格。癸亥

東海沙田種蛤珧南烹苦酒濯瓊瑶饌因暫棄常珍變

只為將嘗異味搖珠剖蚌胎那畏鷓柱呈馬甲更名珧

累人口腹吾何敢慚愧三英喜且謔

四明江珧自小種而為天生致行多廣

南則腊之近方稍用酒漬乃能寄遠韓文公詩章斧馬甲柱鬪以怪自呈即珧也廣韵亦注屬屬可飾甲臨海

志玉珧似蚌殼中柱美

元宵煮浮圓子前輩似未嘗賦此坐間成四韵

癸亥

今夕知何夕團圓事：同湯官循舊味灶婢詫新功星

聚烏雲裡珠浮濁水中歲時編雜詠附此說家風

再賦

時節三吳重

東坡上元詩云三吳重時節

勻圓萬顆同波浮雖有法

烹煮豈無功杜喜雲抄白徐妨酒復中策勲俱是秣遼

口不同風

茶陵王珙求清暑堂詩次王民瞻數文胡邦衡

資政二公舊韵

癸亥春

早遮西日覓王官晚倚南窓審膝安壘：清風揮塵落
紛：蒼雪著筵寒花前白酒傾雲液竹裡行厨洗玉盤

江月上時涼意足四弦三弄寫驚湍

陳正仲讜提刑制勘甫畢首過小樓既出新詩

仍惠手書十扇次韵二篇致感幸之意癸亥四月

終將疑獄決春秋便顧居鄉馬少游犯斗海槎光斗野
應星漢節照星樓法書飛動鸞窺沼韵語清高鶴唳洲
田父隣家爭借問頃來重客有今否

早飛鵬鷲凜橫秋晚向山林愜倦游夢斷堯塔方寸地
身居陶隱上層樓山圍遙對青原寺江勢中分白鷺洲
不值熙朝人遂性果能獨樂此園否

陳正仲提刑輒還嚴近正及郊禋索語贈別遠

小圃芙蓉同海棠盛開咲令着句併成四韵

癸亥九月十九日

繡衣持斧大江南人在春風和氣間草合園扉秋綠縵
花開環堵曉爛斑席前宣室趨嚴召樂奏端誠趨近班
記取臨分留愛景芙蓉色闋海棠殷端誠殿在郊壇側
駕行礼畢勅教坊
樂過此
受賀

月石屏蛾月硯詩 癸亥九月十九日

予初藏歐陽文忠公月石屏近復得端硯極發墨雙
蛾在其泓而受墨處乃一圓月白暈周匝桂滿其中
似非蘇文忠公贈范氏涵星硯所能及蓋奇物也賦

語呈諸作者

歐公命蘇公吟詠月石屏蘇公與范子酬唱涵星泓兩
公文字祥天界子墨卿嗟予何為者而得二美并屏也
歐青龜流傳到柴荆視今此尤物秋月端正生盤挈丹
桂枝環繞白玉繩姮娥寔天眼皎々不自呈但留雙娥
眉下鎮蟾兔精我生月幾望真契非強名烏玦磨有光
玄雲潤無聲願賡前賢句透脅令人驚

悼亡之後病齒不能食拔去其甚者有感賦小

詩 癸亥十一月

咀嚼勞渠八十年更因缺落拔其殘已無韓愈妻堪說

只欠張蒼乳可餐

元樞陳叔進連駮挽詞二首

淡墨名何早洪鈞轉稍遲藝文追伏鄭德業望臯夔寔
事常求是多聞更闕疑斯民先覺者今代捨公誰

聯事麟臺裡論心鶴禁中賢愚雖有異出處不無同避

迨橋山日

戊申春使陵下
公自城中相遇

淒涼浙水風兒孫看競爽門

戶慶方隆

胡季亨漁圃中有觀生亭取觀天地萬物生意

揚誠齋賦二詩次韵

物我都歸造物中存神過化本同風靜觀此理怡然順

豈問深青與淺紅

只道春榮夏乃亨誰知四序總生之黃鍾大呂還相處
上下方能著五聲

臨川貢士徐子比先世有十萬莊今惟一山歸

然田間立曰獨秀求予下語因記東坡以是

名南康田氏之峰就用此意致登科之祝甲子

不須十萬億膏梁有美崔莊莫遣荒先德登第獨秀佳名今

暗合要三二別四壺方

某紹興甲子赴試此地卜居今十年三歷秋舉

每過中秋必與親舊歌舞之今歲大病使令

輩散遣蕭然偶伯信仲威携子姪相遇喜成

四韵

上元甲子此攻堅小築安居正十年登堞遙觀燈奪晝
歸家却賞月流天丹臺旋葺新爐灶絳帳都拋舊管弦
賴有故人將驥子功名不斷復青瓊

平園續稿卷第三 終

平園續稿卷第四

周益文忠公集四十四

銘 歲 辨

賀德章悅齋銘

紹熙甲寅三月朔

出見紛華其悅在人學而時習其悅在心澹菴名之誠

齋文之子克甫銘之慶氏其承之

賀本慶氏避漢安帝諱改

靜菴銘

慶元乙卯正月

曾君伯虞年未四十不踐塲屋不入城市力教二子

讀書闢一室號靜菴因故人歐陽元鼎索予銘

語靜之至何加於坤闢則生物豈勞吾形人生而靜毋

失其性不出戶庭能定能應

吳氏忠正堂銘

慶元丙辰十二月旦

忠則不欺正則不私一門弟兄三聖倚毗雖曰世篤亦
惟天資嗟爾後人念茲在茲

益壯齋銘

慶元丁巳四月甲子

萬安歐陽豹變字文蔚年踰六十而決科之意未已
名書齋曰益壯請予銘之

伏櫪之驥心乎掉鞅燎原者火宿則彌壯有勇若人併
敬一向少固銳于功名晚益堅其好尚事竟成于有志
剛大亨于無妄然後知楚丘之未始衰而伏波之猶可
將也

桂隱銘

慶元丁巳十二月二十一日

薇猷閣直學士向公伯共紹興間歸老薈林龍圖閣
學士孫公仲益為作銘侈君賜今向公長孫文林郎
士虎濟美克家可仕而止復于其中增植巖桂命曰
桂隱力教六子森然有立請予銘之

衆薈之林勿替以引肆其賢孫環桂而隱一椿未老六
枝其芳昔竇今向清芬相望仕不于身必在厥子同升
桂堂斯道如砥

愚谷銘

慶元庚申二月甲子

庾信小園賦云名為野人之家是謂愚公之谷今安

福縣鄉貢進士劉江伯深即舊居百餘步闢壤疏溪
栽花種竹隨其景物為燕息之所異時萬卷齋群玉
閣併徙以來總曰愚谷以慶元丁巳居焉予為銘云
惟古愚者其直迨後人反之飾詐有餘日倚市門相
利而而趨暑汗其顏寒粟其膚狗苟蠅營得終錨銖自
以為智鄙哉小夫我嘉庚信其志則殊字曰子山蓋靜
者與谷以愚名言寓其廬四時花木十丈崎嶇數竿之
竹盈尺之魚樂而賦之名寔允孚之子欣慕亦新厥居
有園有吏可卷可舒有園有畦可植可蔬有丘有壑可
陟可漁有琴有醪可彈可斟春花秋月夏簟冬爐惟遠

之安聊以自娛庾何人哉晞即其徒試叩斯谷愚智何
如谷似應聲子也不愚

遠齋銘

竹亭二齋左置歐陽文忠公像叢公著述其間即公
自名命之曰遠而銘之

學而上達知我其天歐公稱老聞何與焉

迂齋銘

竹亭二齋右置司馬文正公像叢公著述其間即公
自名命之曰迂而銘之
為改正名或以為迂溫公曰叟孔之徒與

坡谷齋銘

黼黻斯文網羅衆作既追先民亦詔後覺設其像萃其文為之贊歲庚申

濂伊齋銘

道者大路達于誠明必欲深造莫如力行

香山樓銘

嘉泰辛酉二月旦

廬陵南四十里有香城山其名見唐皇甫持正所作寺碣峻拔廣袤中一峯尤奇秀諺所謂文筆者胡氏世居其下至忠簡公遂以直節修能名震當世歸即舊第築冠霞樓坐致爽氣其孫程復為小樓于東求

名于予命曰香山蓋因持正之言寓白樂天高致為之銘曰

節彼香城屹然中峯是生秀傑惟忠簡公危言危行巖巖兩崇有開闢孫復閣于宮瞻儀祖烈推本化工崧高降神申甫寔鍾錦屏不磨英靈無窮咨爾胡氏永亢其宗

馮軫元芳琴銘

嘉泰辛酉四月

雷氏斷之聲自開元馮氏寶之不知幾傳我非知音而理可言心主於內手應乎絃故聲和可以仰馬意殺形之捕蟬豈特此哉大而歌南風小則治單父舉不出于

斯焉

送綸丞郡臨川十以歲 慶元丁巳三月戊子

蒞官以勤持身以廉事上以敬接物以謙待人以恕責
己以嚴得眾以寬養知以恬戒謹以獨詢謀以僉歲規
語女夙夜式瞻

吉州司戶廳綏齋歲 慶元庚申二月甲子

戶曹掌州帑廩或行獄訟事皇族括字仲肅甫官廬
陵以綏名齋西清揚公首為之銘而前進士周某又
為作歲

蒙莊著書假綏戲儒吟裘三年佩玦一夫寓言荒唐亡

是子虛孰知經傳眾說之郭薄征綏刑職分司徒議獄
綏死卦畫中孚泰是晉疾和與綏俱上醫命名得無意
乎掾介諸曹蓋反三隅勿以朱博疾徐之舒懼其奮髯
易服走趨當師謝安理發自如豈為強禦不遲起居勇
義果德抑難此拘能定能應匪並匪徐官皆有歲敢傲
終初

辨登第金花帖子

王扶押押王扶之孫臨題跋

祖宗朝進士用唐制禮部侍郎主文中選者以黃花
牋小帖書其姓名主文花押已即持送之謂之榜帖

得座主之科第者號為傳衣鉢端拱二年太宗皇帝
第三榜尚書宋公主文第二人登第遂以是科付吾
祖集賢公寔傳衣鉢士論榮之當時金花帖子藏于
家踰九十年矣熙寧丙辰孟夏臨因閱家牒感泣久
之既標軸復叙其始末云孝孫皇城使知鄜州軍州
事上柱國太原國子臨恭題

承協奉硯

右王扶登科榜帖以黃花牋為之故名金花帖子熙寧
丙辰其孫臨記之矣後九十九年臨之孫奉議義民出
以示予乃隨其大小摹而藏之按皇宋登科記扶寔端

拱元年程宿榜第二人蓋太宗皇帝朝第六榜而臨云
三榜且作端拱二年當考淳熙甲午歲十月五日東里
周其題

題盛京登科小錄

右盛京登科榜帖及小錄其家傳已百八十餘年裔孫
寓常之無錫貧不能守而同邑王馱左藏有之馱洪景
盧妹夫也故今歸景盧家初景伯丞相作本朝登科記
自慶曆後始有小錄悉書進士鄉貫前乎此惟咸平元
年孫僅榜亦然正以常見盛氏所藏耳是遂注云時小
錄用綾謂之金花帖子殊不知榜帖偶粘于小錄之前

本是兩事豈可直以小錄為金花帖子耶予既摹其本
 又列王臨所記于卷首使覽者無疑焉京益文肅公度
 弟其後仕宦至今不絕此錄多公卿題跋姑掇知名者
 數人附于末淳熙丙午四月十四日周某題

錄洪景盧容齋續筆

唐進士登科有泥金相傳已久而世不多見予家藏
 咸平元年孫僅榜盛京所得小錄猶用唐制以素綾
 為軸帖以金花帖子先列主司四人銜曰翰林學士
 給事中楊兵部郎中知制誥李右司諫直史館梁秘
 書丞直史館朱皆押字書四人甲子年若干某月某

日日生祖諱某父諱某私忌某日然後書狀元孫僅其
 所記與今正同別用高四寸綾濶二寸書盛京二字
 四主司花書于下粘于卷首其規範如此不知以何
 年而廢也但此榜五十人自第一至十四人惟第九
 名劉燁為河南人餘皆貫開封府其下又有二十五
 人亦然不應都人士中選者若是之多疑亦外方人
 寄名託籍以為進取之便耳四主司乃楊礪李若拙
 梁顥朱台符皆只為同知舉

右洪景盧既得盛氏小錄又于容齋續筆十三卷中詳
 載其事予謂當時所得金花帖子止謂高四寸濶二寸

書登第人姓名主司花押于下者與小錄似不相涉故
盛京曾姪孫華亦自跋云先伯祖登咸平第此金花帖
子及小錄用綾既曰及則為二事甚明予以王扶帖子
併粘于前而辨景伯丞相之誤今申言之嘉泰壬戌閏
臘月戊辰再題

平園續稿卷第四終

平園續稿卷第五

周益文忠公集四十五

贊
自贊

東坡像李伯時作曾無疑藏之命予贊之 辛酉

十一月

龍章鳳姿揮斥八極天心月窟照映萬物孟子之氣莊
周之文瞻之在前尚有典刑

徐涇教授求六一先生贊 癸亥

我不識公而哀斯文稷言臯謨宋艷班薰四海所宗一
鄉何有瞻之在前瞻乎若後

又求胡忠簡公贊

春秋尊王外攘夷狄幼學壯行終始惟一凜然英氣尚
父是匹揭之徂征可却回紇

宗室公衡真贊

慶元乙卯七月十九日

信厚為質溫恭其儀視此標的盛哉本支

自贊

趙山甫使君為所部七十老叟記顏索贊

慶元乙卯

元亮無遠俗韻醉中強釋形神置我青原臺上不勞半
道邀迎

友人曾無疑示予真索贊

慶元丙辰

懶逐溪風偶度雲聊同江月戲分身誰知鄭驛多嘉客

也着駘他一惡人

劉氏兄弟寫予真求贊時年七十

慶元乙卯正月丙午

骨相屯氣宇塵濁不盈矐不清視汝形省汝身無古心
無時名乃父生直幸民

梁光遠以予真置立壑中慶元乙卯四月十九

日自贊時年七十

野巖非汝肖山澤稱吾矐珍重梁高士深知謝幼輿

太和貢士陳誠之記予顏欲置遠明樓昔白傅

年七十一寫真詩云鶴毳變綠髮雞膚換朱

顏予今年遠同感而賦此

慶元丙辰六月八日

魏樓必欲稱元龍須寫褒公與鄂公鶴毳鷄膚吾老矣
祇宜簞笠釣船中

慶元丁巳予與伯威歐陽兄德源葛兄三講丙
午齊年會德源之子玠繪三壽圖求贊月日
皆丙午也

三為衆一曰壽批糠前珠玉後非面朋乃益友松竹鶴
同耐久

寧都宰傅子淵荐邑士危正記顏求贊予癸未
夏過此邑元祐名士孫志康志舉之姪名札
字宣季年八十三所居號延春谷而二十里

間桃林寺有泉焉四月水生八月即竭號過
夏泉金精道觀七佛僧巖皆近境勝地今三
紀矣慶元戊午十月五日周某書時年七十

三

無漢臣之功圖形凌煙無唐人之文寫真集賢昔假塗
於度化今夢想其山川孫氏延春之谷桃林過夏之泉
蔽虧金精之洞坡陀七佛之巖豈無高人若隱士如我
白髮與蒼顏雖未能往從之遊尚持此置諸其間乎

南城吳氏記予七十三歲之顏

戊午十月丁亥

蟠木離竒病鶴摧顏以若形骸而卜襟懷無才無能不

月益公集 平園續稿卷五 三
競不猜十日所視人烏虍哉

聶倅周臣寫真求贊

庚申三月丁巳

靖康樞臣聶公之孫士友佐郡廬陵兩行州事邦人
德之代還臨返記哀顏使之下語倒至甚矣題此以
約後會

三年監州再攝州家置繪像爭借留便當紫綬朝冕旒
念我青笠搽漁舟携此鼠目而麇頭歸來高閣包春秋
他年持節尋舊遊却較形容知似否

紹興甲子予待試廬陵辭曹廳是秋失解後六
年乃與計偕考官七人今惟提刑少監趙君

獨壽而康其子仲肅來為掾即詩人堂之西
闢小齋記予肄業之所寫真求贊併題二詩
未冠來隨舉子忙當時已似失林獐而今年貌那堪画
手種堂前樹亦蒼

五十餘年一遠庄耕夫雖老未拋荒審言堂上新司戶
子厚書中願十郎

高沙曾忠佐良臣築思堂以念親傍闢書閣肖

揚誠齋及予像求贊

嘉泰二年正月五日

德行淵騫曾參曷遺蓋生也後其年可推遙：華曹古
今與稽誠齋則賢我愧思齋

蜀儒先楊繪元素釋論語四科云孔子在陳年六十
 參時十六歲則是年方志學或侍父替未必在行且
 舜大聖二十孝聞參猶未及遽許終身可乎此非子
 游文學比也

游元齡登仕寫予真求贊

壬戌二月十三日

休誇歲：花相似莫嘆年：貌不同閒伴長松與龜鶴
 免將開落問東風

南城吳伸兄弟寫予真求贊

壬戌春

方丈蓬瀛早陪群英鳳掖鰲局中敷帝文晚侍嚴宸編
 持樞鈞若非精神滿腹則當容貌動人何歛頤而折額

弗走俗而抗塵豈所謂相形不如論心見面不如聞名
 者耶

門客鄭安世寫壽星求贊

壬戌春

誰把江西一幸民強摹南極老人星穹龜鹿鶴朋三壽
 伴我松根斲茯苓

趙倅彥燦寫予真求贊

壬戌五月望

靖康丙午大父行吉州事而某生于吳門丁未戊申
 間先公奉使湖湘挈以歸省今七十五年而皇諸孫
 德輝由別乘代還寫哀容命之贊

王父當年此治中嗟予髻角未成童只今闔郡攀泥軼

何事偏圖鶴髮翁

英德仰守之綱記予哀顏戲題數語 壬戌

使君燕頷虎頭法當萬里封侯宜自蜀而之廣繪像祠於兩州鈴閣雖非麟閣胡為西此獼猴亦如杭人效穆仲獻笑於坡代俳優耶

登仕郎張武來求一言因記哀顏就以勉之

德人之容如玉温其參前倚衡以瞻以儀我愧于是將為取斯所貴者三歸有餘師

予乾道中嘗除延平守閩憲皆當赴而改晚得富沙趣行甚峻亦不果赴今郡人吳氏寫真

求贊因以遺之 壬戌七月

三度除書下七閩勒回深愧北山文勞君為寫山中相要與邦人識使君

永豐監稅黃思義寫予于大椿之下戲題 壬戌秋

鬢髮皤然八十春若為百倍比莊椿藉令十此如彭祖亦是鷄窠九世人

張攷仲寅寫予真倚松而立戲贊 壬戌

曾陪漢幄運前籌也忝分封萬戶留未問家傳黃石法且來閒伴赤松遊

陸務觀之友杜敬叔寫予真戲題四句他日持

似務觀一笑 壬戌

西百官中識放翁四年上下日相從如今鶴伴山鷄舞
羞對雲間陸士龍

李卿月子西記予七十七歲之顏求贊 壬戌冬

太白天才巧後人有時佳句似陰鏗我無飯顆哦詩苦
枉被渠嘲太瘦生

鄭準廣文赴官九江携予真索贊 壬戌臘月甲申

曾為康廬十日留今猶化蝶夢江州憑君五老峰頭問
員外能添此老否

吉水贊府王觀時可為平園寫真口占小詩 癸亥

三月
戊辰

皓首相逢涉四年君歸鄱水我螺川清風明月思元度
試展丹青即儼然

徐教授涇寫予真求贊 癸亥

雖非戚：小人儒豈是堂：大丈夫寫向廣文官舍裡
魏冠為我講唐虞

一甲子前與齊源李綦儀之游從贛上今其壻

謝幼學傳示哀容為題四句 癸亥三月

早同短李客南康晚識渠家玉潤郎自笑頭顱并目睫
依然如鼠復如麀

山谷自贊云作夢中夢見身外身福唐曾錫盛
談西湖水晶宮之勝因寫予真用此意題四

句 嘉泰三年七月癸巳

大患都緣有此身笑看身外假為真夢中更作西湖夢
誰謂先生不到閩

予平生願學忠恕既以自勉亦告于人王牒正
則聞而悅之歸作唯齋九萬里風斯在下矣

寫哀容命之贊 甲子二月庚申

中心為忠如心為恕勉強行之道其殆庶苟增醜蔑之
貌惡而廢一言于堂下音戶則所謂唯之與阿不能以寸

而相去矣

教官福唐劉季新寫陋質道衣羽容索贊還鄉
福乃提刑臺治僕嘗出使陞辭而留情見乎

詞 甲子六月

帶山負海都督全閩臨遣繡斧言輟其行夢想樂郊或
勤宵征令威化鶴會遊遼城

本覺長老祖宏為老兄弟寫真求贊次七兄韻

丙辰仲秋

幅巾短褐雁行秋不照青銅不倚樓今鬢昔童無異性
世間寒暑任遷流

能仁監寺志超為予寫真求贊 丙辰下元日

前生座下一高僧失脚中元自恣辰予解夏但記本來

真面目何須悔見宰官身

德回上人寫予真求贊 丁巳時年七十二

非律非禪自在身免丁不納沒公憑明知未是龐居士
且可題為破戒僧

贛州豐樂長老惠宣寫予真戲贊時年七十三

戊午十月辛巳

少年日醉鬱孤臺鼎立三禪屢往來豪氣雖存誰復識
形容變盡鬢皚皚

青原祖燈監寺屢問予久不入山寫真戲題 戊午

臘月八日

欲作青原掛搭僧傳聞米價逐時增繞腰三篋非難事
空腹何能念葛藤

予久欲遊仰山而未暇行者智印寫真求贊 戊午

家居只在仰山旁自笑癡蝇凍守窻也解分身千百億
從來一月印千江

安福縣岳興院僧希琦求予真贊

僧房何事俗塵同索我精神阿堵中有相要知皆是妄
發真那更墮虛空

覺報長老道謙寫予兄弟真求贊次七兄韵未

三月

身凡心聖古盧能未着袈裟已是僧冷煖自知師莫問
但看老色幾分增

龍堂院宗懋寫真求贊次七兄韵 結夏日

相將尋壑復經立漱石何妨更枕流得法龍湏隨七祖

兄弟二人休官即將繼牛頭
同嗣曹溪

予年十四五侍子中兄讀書贛州壽量寺久之
寺為寇燔其後子中出守一新之今小兒綸
又將佐郡他日當訪舊遊因主僧慈濟寫真

題贊

志學今經六十年招提仍對舊山川
令威化鶴重來日頂似初顏雪被肩

隆興癸未夏予年三十八自掖垣奉祠歸游麻

姑山又三十八年而知觀李惟賓緣化修造

至廬陵寫予真求贊 辛酉三月

古觀今猶換綠椽壯遊我合變華顛
方平再過憑相報欲往從之問海田

福壽院僧淨高寫予及子兄真求贊次子中韵

辛酉四月

用益公集 卷五
弟兄本是讀儒書脫外形骸付六如摩詰文殊俱默
從教似我與非吾

堵波知庄僧德永寫予真求贊 辛酉十一月

昔方三五少年便作阿婆心切今已八十老翁却學小
兒口說如何不言不語莫問是同是別只願年豐飽吃
飯肚皮解了三條篋

祥符長老智華寫予真求贊 壬戌

五蘊皆空四大和合昔者逢場東塗西抹今茲面壁有
問無答似耶非耶任師指撥

法華院僧祖月寫予真戲贊 壬戌人日

老子七十七到處遮人壁住世更十年化身千百億

僧智印寫乘成平園仰山三人真求贊 嘉泰三年正月

甲戌

四海弥天兩誕誇人三為衆轉週遮明知諸相皆虛妄
弄假為真有甚已

天慶知觀蕭惟清寫予真求贊 嘉泰三年二月八日

塵滿形容雪滿頭分無仙骨到瀛州希夷更請傍人看
曾急流中勇退否

廬陵道士羅尚逸能醫眼善奕自湘中歸寫予

真求贊復游湘中 嘉泰三年七月望日

黃冠多藝從虬仙處士圍棋伴樂天我不即師：即我胡為邀我泛湘船

清原知藏僧法源寫真求贊

嘉泰三年臘日

精不搖神不驕鬢任禿顏任凋人擾：而膠：爾寂：而寥：知壺子其誰何異漁父之堪描往壁觀以默照免室迹而人遙

金牛長老德鎧寫平園真求贊

甲子正月庚寅

經傳白馬寺瞰金牛祖意西來江水東流何有於我色見因求千帆任過長對沙洲

使臣周允寫平園老叟真于松竹龜鶴間戲贊

嘉泰辛酉三月乙亥
時年七十六

松可以傲霜雪竹可以延風月龜巢葉而養氣鶴鳴臯而戢翼置閒身于四物聊竊名于五一

使臣宋千齡寫平園老叟真于松竹之間從以

鹿鶴龜求贊

壬戌三月壬申

向來結綬事華勛老去抽簪愛水雲但得松筠無異葉何妨鳥獸與同群

提轄官鍾勲及其子可久寫平園真睨蟾倚桂

為生日壽

壬戌秋

元豐壬戌中秋之夕仇池飛仙浩歌赤壁今兩甲子明

月猶昔嘉爾父子記我顏色丹桂婆娑銀蟾皎潔願言
冰輪常圓固缺

使臣俞允迪赴萍寔稅官寫平園老叟真求贊

壬戌九月

往來四度過萍鄉萍實誰能辨有亡爾欲常：如對我
莫增酒課因征商

予刻文苑英華千卷頗費心力使臣王思恭書

寫校正用功甚勤因傳予神戲為作贊

甲子四月

倚樹而吟據槁梧自憐爾雅注蟲魚汝曹更作書中蠹

不愧鷗鵬海運與

使臣李汝發寫平園真求贊

甲子

人皆炎熱之憎我愛夏日之長耳百尺之松風浥雙沼
之荷香髮固知其種：容何事予堂：尚從游于留戾
免形似于六郎

直省官李端義求平園真贊

形若性皆與天常用汝不為虎非詩苦瘦如許以貌取
失子羽

平園續稿卷第五

終

